

# POLELO YESO ALINKWISA KANGI ALINKUKOOLELA



Mwikemo Yohani, untu gwa 11, ukwandila pa manandi ga 18, une ngulonda ukubala.

*Lilino Betania aali kifuki ku Yerusalemu, ukufwana mamailosi mabili:*

*Kangi bingi ba baJuda balisile kwa Marita na Mariya, ukubapembusya abene ukufwana nu ndumbu gwabo.*

*Polelo Marita, bo itolo umwene apilike ukuti Yeso ikwisa, alinkubuka nukwagana nu mwene: loli Mariya alitugesye kimyemye mu nyumba.*

*Polelo alinkuyoba Marita kwa Yeso, Ntwa, linga ugwe gwaali apa, undumbu gwangu angali akafwa mma.*

*Loli une mmenye, ukuti pope lilino, kilikyosa iki ugwe kwisa kundalusya. . . Kyala, Kyala isakukupaga ugwe ikylene.*

*Yeso alinkuyoba ku mwene, Undumbu gwako isakusyukaga kangu.*

*Marita alinkuti kwa umwene, Une mmenye ukuti umwene isakusyukaga kangu mu busyuke bula mu lisiku lyabumalikisyo.*

*Yeso alinkyoba ku mwene, Une ne busyuke, kangu. . . bumi: umwene uyu ikwitika mwa une, palema nalinga umwene aafwile, loli isakuyaga umwene nu bumi:*

*Kangi aligwesa ikuya nu bumi nu kwitika mwa une atisakufwamo siku. Ngimba ugwe kwitika iki?*

*Umwene alinkuyoba kwa umwene, Ena, Ntwa: une ngwitika ukuti ugwe gwe Kristi, u Mwanundumiana gwa Kyala, yuyo abagisenie ukwisa nkisu kya pasi. (Kangi ketesya ikyo!)*

*Polelo akabalilo kako umwene aayobile lulalula, umwene alinkubuka pa njila yake, nukunkolela Mariya unnuguna gwake kusofu, ikuyoba, Umfundisi isile, kangu ikukukolela ugwe.*

<sup>2</sup> Unko uswe twipute. Tata Gwakumwanya, sisimikisya a Masyu gala ku ndumbula syitu, ikilo iki, akabalilo kako uswe tukugulila pa Ugwe lilino. I Lisyu Lyako, ugwambombo Gwako, ni lisimbo, fyo fyosa fibikigwa kwa ugwe, mu Ngamu ya Yeso Kristi. Ameni.

Umwe mulitugasya.

<sup>3</sup> Ifundo yangu iyakuya apa yo kugela ukubatula abandu ba Kyala. Komma fiyofiyu ku kwiputa, kangu ukubika amaboko pa babine mma, loli ukuti abene babagile ukummwagania Yeso Kristi pakati pitu, u Mwanundumiana gwa Kyala pakati pitu. Uswe tukuyoba ikilo iki pa kimanyisyo: *Polelo Yeso Alinkwisa Kangi Alinkukoolela.*

<sup>4</sup> Lilino pa kabalilo aka kako uswe tukuyobapo, akene kaali kabalilo kasulumanie fiyo. Linga umwe mubalilemo siku akapango mbumi bwa Ntwa gwitu, uswe tukusyagania ukuti Umwene aali Mwinake fiyo gwa ndumiana uyu, Lazaro. Umwene aali . . . Bo u Yosefu akindle, pamo, Umwene aasokilepo nukwisa ukwitugasya nu Marita, Mariya, na Lazaro. Kangu abene baali pa bwinake ubukulumba. Abene baali . . . Umwene afwene aali yo ntimu ku bene, u—u Mwinake gwabwanaloli. Kangu alitendekiile Umwene utundu utunini utwakufwala, unselekesya ugwakufwala, une ngusubila, abene bikuti, kangu ugwe gwaluukigwe mosa kisita lusono. Kangu polelo abene baalimbobile ifindu Umwene, panongwa yakuti abene bitikaga mwa Umwene. Baali bo abene—abene baalitike kangu baaketile ikyo. Abene baasokilemo nkipanga, kangu na fyosa, ukunkunga Umwene. Kangu ikyo kyaali kindu kikulumba mu lisiku lila, iki lope nu lufundo lwake lwaali bufwe, uku—uku sookamo mu kyene.

<sup>5</sup> Loli, Yeso, u Mwinitu uyu yuyo endenekaga ukusyungutila mu abene bayobelaga, ukuswanyulania ifipanga fyabo, kangu ukuyoba ifindu ifibibi ukufwana nu mputi gwabo, kangu—kangu na fyosa, Umwene aabombile ukufulasya ukukulumba ku bene, abene binogona. Kangu—kangu kope nukumfumusya Umwene kwabagile ukuya uku—uku bikigwa panja pa fipanga. Kangu polelo linga ugwe uli panja pa kipanga, abene—abene binogona ugwe ukaali nu lusako nalumo—nalumo ulwakutabuligwa. Linga ugwe ukaali yumo mwa kimo mwa fibugutila fyabo, bo ba Farisai, Saduki, pamo ikindukimo, bukaalipo nabumo ubutabulo linga ugwe gwaali panja pa ikyo. Kangu linga abene baali nu bwabuke, ifungulo, kangu abene baabagile ukukubayila ugwe itolo panja linga abene baliganilepo. Bula bwaali bo buyobelo bwabo. Yo nongwa Yeso aayobile, “Umwe, ni nyiho syinu, mupelile i Lisyu lya Kyala ukuya lisita maka.” Muketile?

<sup>6</sup> Kangu lilino ikyene kyandisigwe kangu, 'nongwa yakuti twesa tumenye isyambukulu sikwiandisya syene kangu kingikingi. Kangu ikyene—ikyene kyakusulumanisya ukuyoba, loli ikyene kyaasololigwe ukwiandisya, kangu ikyene kibombile ikyene kangu.

Uswe tukwaga ukuti Yeso akiinogoneliwaga kanunu mma.

<sup>7</sup> Utubalilo twingi, abandu bikulonda ukundonga mundu uyu atikwitikisania na bene. Uswe tutikulonda ukubomba

ifyo. Uswe tubaigiile ukusitakwitikisania, loli nukuya pabwinake. Linga une ngabagiile ukwitikisania nu mundu, kangi pope nukungana umwene nukummwiputila umwene, kangi ukusitakwitikisya umwene pa-. . . numwene pa lwalo lwa Lisimbo, kangi bupilikisyo bununupu, polelo une ndikuyobaga ni kindu nakimo ku mwene. Une akabalilo kosa ngulonda ukutatikana nu mwene, nubwinake, 'nongwa yakuti une nunganile umwene, kangi une—une naloliloli ndikulonda umwene ukutaagigwa. Kangi umwene ikufimbilisigwa ukubomba ikindi kilakila kwa une; uswe tutikulonda ukutaagigwa. Kangi uswe tukufimbilisigwa ukwala aminogono gitu pa iki i Lisyu likuyoba. Likitikisya i Lisyu liyege lyabwanaloli. Somma ikimanyisyo kytu pamo iki aminogono gitu, loli iki Umwene ikuyoba; somma ubulinganio bwapaagwimwene, itolo iki i Lisyu liyobile.

<sup>8</sup> Ikilo ikingi, une naabombile ikindukimo kangi ikyene kyaafwanaga mahelo kifuki, une ngusubile ukwene kwaali kufyakulya fyakulubunju ukwabalumbilili ulubunju lumo. Une naalimbikile Yeso pa bulongi. Une naatile, “Itolo mumo abene babombile akabalilo kala, mo mumo abene bikubombela umwisyugu.” Lumo ikyene kikyuga kinunu linga une ngwandisya ikyene ku kabalilo kanandi, linga uswe tulinako akabalilo. Lilino, une naatile, umwisyugu uswe tukusyagania ukuti. . .

<sup>9</sup> Mbusanukano bwa Luteri, umwene, nkabalilo ka ikyo, umwene aayobile ukuti abagolofu bikuyaga nu bumi nu lwitiko. “Umundu uyu ikwitika, umwene, uyu alinakyo Ikyene.” Loli uswe tukusyagania bingi ba abene baayobile ukuti bikwitika, loli bakaali nakyu Ikyene.

<sup>10</sup> Mmasiku ga—ga Yohani Wesley, linga abene balinalo ulusayo lwakibili, abene bakikoliile ikyene, ukukemesigwa, ukukemesigwa kosa, abene balinkuya bahobofu nukulalata. “Aligwesa uyu aalalatile, aalinakyo Ikyene.” Loli abene baasyagenie ukuti abene bakalinakyo Ikyene. Bingi ba abene baalalatile, loli bakalinakyo Ikyene.

<sup>11</sup> Amasiku ga Pentekosti, abene baayobile, “Lilino ukupyanikisya kya fyabupi kwisile, ulosyo lwa Mbepo. Umwene uyu ikuyobela mu ndimi, alinakyo Ikyene.” Uswe tukusyagania ukuti bingi baayobile mu ndimi, loli bakaalinakyo Ikyene.

<sup>12</sup> Polelo abene bikuyoba, “Ena, ikipaso kya Mbepo, ikyo kyo Ikyene kili.” O, umma, komma ikipaso kya Mbepo. Christian Science alinako ikyo, kuko panandi fiyo. . . U lugano lo kipaso kya Mbepo. Polelo, kangi abene balinalo ulugano lwingipo ukukinda aligwesa, loli bikukana u Bwakyala bwa Yeso Kristi; bikunkolela Umwene nsololi itolo, umundu gwapaliposa itolo. Muketile? Polelo ikyo kitikubomba ikyene.

<sup>13</sup> Unko une itolo ndalusye ikyo ku miniti itolo. Unko tumwege Yeso pa bulongi. Kangi Kyala answege une panongwa ya buyobelo ubu, ukufuma pa kigemo, loli une nguyaga pakulwana nu Mwene pa miniti yimoyene, itolo ukubatwala umwe ku Bwelu. Muketile?

<sup>14</sup> “Lilino une ndina umwe bandu apa ikilo iki; une nguyoba kwa umwe. Une. . .” (Ukwene ko kunyuma mu lisiku ilingi, akabalilo kako Yeso gwa Nazareti aali pa kisu kya pasi.) “Une ngwisa kwa umwe, nukuyobesania na umwe ukulwana nu mwinitu uyu, Yeso gwa ku Nazareti. Lilino uswe twesa tumenye ukuti Kyala yo lugano. Ili Bangeli likuyoba ukuti Umwene yo ali. Umma ndaga, kangi u lugano, u Mbepo yo kukubilwa-kutali, ubololo, ubutengamoyo, ukwilambika, na fyosa, nu lugano. Lilino une nguti, une ngulonda ukubalalusya umwe ikindikimo. Uswe tukubukaga ukwega iti—iki uswe tumenye, u Nkristi.

<sup>15</sup> “Keta ku mputi ugwaiyolo ugwako. Umbuya-mbuya-mbuya-gwake aali mputi. Umwene aabagisenie ukupapigwa nduyungu lwa banyaLevi, ukuti ayege mputi. Uswe tukusyagania, lilino, umwene atikuya nu bumi bwa ndumiana mumo mwe bangi ba umwe mwaboombile. Ngimba umwene ikubomba fiki? Umwene ikwiyikutisya mwene, umwene ali maso pala ukufunda i Lisyu, i Lisyu lya Kyala. Umwene ikukindilila mwa ikyo, pamusi na pakilo, pamusi na pakilo, ikufimobilisigwa ukumanya ilisimbo lililyosa lya ilyene, ilisyu lililyosa paakalatasi unniembe. Umwene abagisenie ukumanya ilyene pa ndumbula. Umwene—umwene, ikindikimo itolo ikya ilyene iki umwene ikifimobilisigwa ukumanya.

<sup>16</sup> “Kangi polelo, palubafu pa ikyo, akabalilo kako uguso nu nyoko beeganaga, ywani abapambikaga abene ukuya ndume nu nkasi? Umputi gwako unnyakyala ugwaiyolo. Ywani yo uyu ikwisa kwa tata gwako akabalilo kako umwene aalondaga ihela kangi umwene aali ni ngongoli pa migunda gyake, igi ugwangongoli abukaga pakwega igyene? Ywani aalimile nu mwene? Umputi gwako ugwakisa ugwaiyolo. Ywani aalimile nu mama gwako nkipinda mula akabalilo umwene aakupapaga ugwe? Umputi ugwakisa ugwaiyolo. Ywani ikwisa kwa ugwe akabalilo kako ugwe uli mbine kangi mbutolwe? Umputi gwako ugwakisa ugwaiyolo. Ywani yo uyu aakusayile ugwe nukukubika ugwe kwa Kyala, nukubuta ugwe pisiku lya lwele? Umputi gwako ugwakisa ugwaiyolo. Akabalilo kako uguso nu nyoko baali kifuki ukulekan’ubwegi, ywani aabatwele abene pamopene kangi, ukubakolelana abene palikimo? Umputi gwako ugwakisa ugwaiyolo. Akabali kako lulipo ulutamio mbupalamani, ywani ikutendekesya ulwene? Umputi gwako ugwakisa ugwaiyolo. Naloliloli.

<sup>17</sup> “Lilino umputi ugwaiyolo ugwakisa uyu amenye ukuti ili Bangeli lyaayobile ukuti Kyala ikulondigwa ing’osi ukuya likemo. Mwe bingi ba umwe banyambala yomwe

ba biakyulusi, polelo umwe mutikutesya ing'osi, loli Kyala ikulonda ing'osi. Abene balinkutendeka ifibaga kumwanya kula, abene balinkulisya ing'osi syabo ukuti aba—aba nyambala abakyulusyaji baabagiile ukufyuka kula nukwakula iyene, ukupa i likemo panongwa ya moyo gwabo, ugu Kyala ikulonda.

<sup>18</sup> “Ngimba aabombile fike umwinitu unnini uyu, ikukoleligwa Yeso? Ngimba umwene aafumile kugu? Baatile umwene aapapigwe, ubupapigwe bwamwamfunde. Ngimba ywani apilikemo ikindu kya luko lwa butoyofu bo ulo? Uswe tummenya unna aalinagwe umwene bo umwene nu Yosefu aapapigwe, pamo, umwene nu Yosefu baakyegene, umwene aapapigwe. Lilino uswe tukusyagania ukuti umwene yo—umwene yo ngamu mbibi, ukwanda nu kwanda.

<sup>19</sup> “Ngimba lyo likadi lya kipanganki umwene ali nalyo? Linga umwene aali mundu gwakyala, kyo kibugutilanki iki umwene ingile? Akabalilo kako umputi gwako aafundaga, aafundaga, aafundaga, aafundaga, ukumanya i Lisyu lila; apa umwene ikwisa ukusyungutila, ukuswanyulila pasi iki umwene aayengile. Ngimba ugwe ubagile ukukolela ikyo ‘Kyala’? Naloliloli umma.

<sup>20</sup> “Lilino, ilisiku limo, akabalilo kako umputi gwako aatendike ubuyo bula pamwanya pala, iki...kangi kuko ugwe gwabagile ukula i likemo, ngimba umiana unnini uyu aabombile fiki? Ikisa? Umwene alinkutika, alinkubika ingoye simo palikimo, imilala ni fipapa fimo, nukubaketa abandu nu bukalale; ukubaya ifigemo fila, nukubakoma abene ukubasosyapo ukufuma pala. Kangi ugwe kukoolela ikyo fipaso fya Mbepo, ukubaketa pa bene, nu bukalale? Kangi, keta, ukukanisya umundu ulusako lwa kummwiputa Yehova! Unkyulusi ikulonda ukummwiputa Umwene; umwene atikutesya abakang'osi mma, kangi umwene aabukile kula ukula akene. Kangi Umwene alinkupangululania ikyene, nukubabaya abene, nukubabopesya abene panja.”

<sup>21</sup> Ywani ali ni kipaso kya Mbepo apa? Um-huum. Muketile? Mwaketa umwe lilino. Muketile, komma ikipaso kya Mbepo, komma ukuyobela mu ndimi, komma ukulalata.

<sup>22</sup> Ugwe kuyoba, “Polelo, Nkundwe Branham, ngimbi ikisisimikisi kyo kiliku? Ngimba ikisisimikisi kyo kiliku?” Ukusisimikisya kya Lisyu musala yiyo.

<sup>23</sup> Abene baali ni li Bangeli. Umwene aali katikati iki Yehova aayobile kyaabagile ukuboneka. Ikyene kitikulondigwa ubulinganio bulibosa mma. Ikyene kyaalilinganisye kula. Apo balipo abaputi binu, apo fyaalipo fyosa ifi abene baali nafyo, kangi filifyosa ifingi fyaali itolo bwisibile kangi kilikyosa, loli palema isi balinkutoligwa ukuketa i Lisyu. Kangi Umwene aapelile i Lisyu lila ukuya nu bumi ku ngulilo yila. Ikyo kyo kisisimikisi kya ngulilo yila.

24 Luteri aali nu busisimikisi bwa ngulilo yake, Wesley ubwa ngulilo yake, Pentekosti ugwa ngulilo yake, loli uswe tuli mu ngulilo iyingi. Ifindu fila fyo finunu. Loli bo yo bonda, ali nu lobe, iliso, kangu imbulo, loli ukukindapo akabalilo umwene abagisenie ukwisa ukuya mundu. Umwene ikufimbilisigwa ukwisa ukuya u—u mwanike unkye; polelo apapigwe, ukuya nu moyo, umbili, mbepo, abagiile ukusyungutula.

25 Lilino uswe tukusyagania ukuti, fyosa ifi, Yeso aabonisye, kangu itolo banandi, itolo bala babo Umwene abatendekisye nghanila ku Bumi, baalimbwene Umwene. Komma ifilundilo ifikulumba; ifilundilo Fyake fibagiile ukuyamo siku bo filundilo fya Kaifa. Fiki, Kaifa abagiile ukukolela ikisu kyosa palikimo. Yeso aakolile itolo banandi palikimo. Bakaali bingi mma aba balimmenye Umwene. Amaelifu ukolokana na maelifu, akabalilo kako Umwene aalisile pa kisu, Umwene aabukile ukukilania nkisu, kangu abene na siku nukumanya Umwene aali apa.

26 Mo mumo ikyene kikuyilaga kangu! Umwene ikwisaga kwa babo bakoleligwa ku Bumi. Umwene amenye yuyo akoleligwe ku Bumi. Kangu Umwene atisa...Iyene to mbombo Yake ukupakikisya ifya ikyo.

27 Lilino uswe tukuketesya ukuti polelo abene palinkusooka ukufuma nkipanga, kangu abene balimmwitike Umwene. Kilikyosa i Lisyu lyaayobaga ukufwana nu Mwene, pala Umwene aalipo.

28 Kangu ilisiku limo Umwene aasokilepo pa kaya kabo. Une ngulonda njobe isya findu fitatu: Yeso aasokilepo; ubufwe bwaalisile; kangu ulusubilo losa lwakindle. Une ngulonda ukuyoba pa findu fitatu ifyo ku ma miniti banandi.

29 Yeso aasokilepo. Kangu akabalilo Umwene aasokilepo, ulutami lulinkwingila. Lilino akabalilo kako Umwene ikukuleka ugwe, pamo akaya kako kuko ugwe kwitugasya, ulutamio luli pa nsebwe gwake. Setano ali nako ikifigo ikiguke akabalilo kako Yeso aasokilepo.

30 Umwene aasokilepo, kangu bo—kangu bo Umwene abombile itolo, polelo ubufwe bulinkwingila. Kangu akabalilo kako Yeso ikusooka panja, ubufwe bukwingila. Ukuya pa butali nu Mwene bo bufwe, polelo ubufwe bukwingila akabalilo kako Yeso aabukile panja.

31 Kangu ubufwe bwaasyalikile na Lazaro. Kangu polelo Uyu abene balimmwitike nu kungana, abene batumil'indumi ku Mwene ukuti iise asammwiputile Lazaro, 'nongwa abene batalile baalimbwene Umwene kangu bamenye ukuti Umwene alimmenye Kyala, ukuti, "Kilikyosa, Kyala..." Marita akiyobile ikyene ku nyuma kula, "Kilikyosa iki Ugwe kuyoba kwa Kyala lilino, Kyala ikubombaga ikyene." Umwene asyagenie ukuti Umwene na Kyala aali Yumoywene. Umwene aali yo Lisyu

lya sala yila, polelo umwene aakyagenie ikyo. Kangi umwene aamenye, linga umwene aabagile ukuya nukukolekesania nu Mwene, loli Umwene aasookilepo kangi abene balinkutoligwa ukunkola Umwene. Kangi abene batumil'indumi ku Mwene, kangi, mbuyo bwakuti Umwene iise, Umwene alinkubuka ku butalipo. Kangi abene balinkutum'indumi kangi, kangi, mbuyo bwakuti Umwene iise, Umwene alinkubuka ku butalipo.

<sup>32</sup> Utubalilo tumo uswe tukuswiga fiki ifindu ifyo fikuboneka, loli ngimba i Lisimbo litikuyoba ikyo, "Ifindu fyosa fikubombela ku bununu ku bene aba banganile Kyala"? Umwene amenye iki Umwene ikubomba. Linga Umwene ikukaabila, ikyo kili kanunu. Umwene amenye iki Umwene ikubomba. Pala yalipo ifundo.

<sup>33</sup> Uswe tukusyagania ukuti Umwene aatile, mwa Mwikemo Yohani 5:19, "Naloliloli, naloliloli, une nguyaoba kwa umwe, u Mwanundumiana akabagila ukubomba nakimo pa Mwene, loli kikyoo Umwene ikuketa u Tata ikubomba."

<sup>34</sup> Tata aalimbulile Umwene ukusookapo, kangu nukuta kubutali pa masiku minngi gakuti. Bo amasiku gala gafwene, polelo Umwene alinkuyoba isi Umwene aayobile akabalilo kala, ukuti, "Umwinitu Lazaro ikugon'utulo."

Kangi umwene aatile, "Ena, umwene ikubomba kanunu."

<sup>35</sup> Umwene alinkuti, "Umwene afwile. Kangi panongwa ya umwe une nhobwike ukuti une ngalipo'mma." Panongwa yakuti, abene bagelaga ukumwega Umwene ukubuka kwa umwene, ukumbubulusya umwene pamo ukuyoba iki kyalondigwaga ukubombigwa. Loli Umwene aamenye iki kyalondigwaga ukubombigwa, polelo Umwene aabombile katikati kikyoo Umwene atendekeseligwe ukubomba: ukusookapo. Linga umwe mukunketesya Umwene ku lipumba akabalilo kako Umwene aagomokile. Umwene aayobile ikyo akabalilo kako Umwene aagomokile nukukaaga akaya aka.

<sup>36</sup> Isubilo syosa syakindile. Lazaro aafwile. Isala yiliyosa, abene bankukindilila ukwinogona, "Umwene pamo abagiile ukufika papapa. Umwene lumo abagiile ukufika papapa. Umwene lumo abagiile ukugomokela." Kubumalilo, umwene alinkufwa, ulutuyo lulinkuleka mwene.

<sup>37</sup> Abene basookile panja, balinkumbika imbosya umwene, ukusosyamo ililopa ukufuma mu mfimba gwake, ukuniembetelela mmyenda, ifyakungusya, nukumbika imbosya nukundambalika umwene mwipumba, ukubika ibwe pamwanya pa lipumba, ulu lo lwaali lwiho lwabo ulwa kusyilila mmasiku gala. Ikibwina mu n'gunda, itolo lumo mwiibwe, nukwala ilibwe pamwanya pa iliyene, ulu lo lwaali lwiho lwabo.

<sup>38</sup> Ilisiku lyakwanda lilinkukinda, ilisiku lya kibili lilinkukinda, ilisiku lyakitatu lilinkukinda, ilisiku lyabuna lilinkukinda, unnyambala uyu alyaandile ukubola mwipumba.

Imbulo yake lumo yagwilile nkati. Ikyo, une ngwinogona ikyo kyo kindu kyakwanda iki kikugwiila nkati, yo mbulo. Kangi umwene aaboliile. Umbili gwake—gwake gwagomokile ku mfu, ugwa kisu, pamo gwaagomokelaga. Umoyo gwake gwaali pa njila ya masiku—mana kubuyobumo, ukufuma kwa mwene.

<sup>39</sup> Isubilo syoosa isyakumbonamo umwene kangi, mbumi ubu, syakindile. Kangi polelo akabalilo kako isubilo syosa syakindile. . . Abene baagulile, “Lumo linga Umwene ikwisaga ilisiku lyakwanda, ilisiku lyakibili!” Umma. Polelo umwene alinkufwa, kangi Umwene akaalisile mma. Polelo ubutolwe bulinkwisamo.

<sup>40</sup> Bo kakindilepo akabalilo kanandi aalipo umunduyumo abagiile ukuti alimbuliile umwene, “Umfundi ali panja.” Apa ikubuka Marita ikusuluka mu lukindi!

<sup>41</sup> Yeso aalisile mu sala iyangisi yila akabalilo kako ulusubilo losa lwakindile. Ako bwila ko kabalilo kako Umwene ikwisa. Muketile? Umwene ikwisa katikati pakabalilo akangisi, polelo Yeso ikubonekela pa buyo.

<sup>42</sup> Lilino ketesya, Umwene ikwisa nukunkolela Marita. Ukuyapo Kwake kulinkutwala isubilo imbya. Palema nalinga undumiana aafwile, loli Ukuyapo Kwake kukutwala ulusubilo ulupya.

<sup>43</sup> Ugwe ubagiile ukuti gwitugesya apa ikilo iki, mwinangu, apa u dokotala akulekile ugwe, nu kansa, imbungo ya ndumbula. Lumo nkikota, mulemele, ubumang’anyi bosa buyobile ukuti lukayapo ulusubilo kwa ugwe; ulwalo lwa kasyamu lu—lu pinyenie ififupa fyako—fyako—fyako, ukuti ugwe ukabagila ukwinamisya ifyene kangi mma. Pamo, lumo indumbula yako—yako mbiibi fiyo, u dokotala ikuti ugwe ubagisenie ukubuka akabalilo kalikosa. O, kangi ifipambo ifikulumba ifya bandu nu kansa na TB, lumo ulusubilo ulwabumalikisyo ulu ugwe ulinalo, kangi ikyene kikuboneka ukuya bo ukuti u dokotala ukukanile ugwe. Loli, ukuya mu Kuyapo kangi ukukwagania u Kuyapo kwa Yeso Kristi, kukutwala kangi isubilo.

<sup>44</sup> Umunduyumo abagile nukukuyobela ingamu ya ikyene kwa ugwe. Lumo ugwe ukapilikamo siku isya ikyene, loli unko umunduyumo ayobe, “Une mmenye kilipo ikipanga, abene bikwitika mwa Kyala kangi abene bikwiputula ababine,” nakalinga (Lilino, ugwe kwitendekesya ukufwa. Muketile?), isubilo imbya sikutupukila mmwanya. Ikyene bwila kikubomba. Mu sala yangisi yila, apo po akabalilo kingi umunduyumo ikuyoba ikindukimo isya ikyene, ikukubula ugwe isya Yeso. Ukuyapo Kwake kwaanwele isubilo imbya.

<sup>45</sup> Ikyene kilibombaga ikindu kilakila ikilo iki, mumo ikyene kyaabombiile ikilo kya mmayolo. Akabalilo kako uswe tukuketa i Lisyu ilisisimikisigwe lila ukukinda unsyungulu guligosa ugwa kwilamwa, ili liipelile ukuboneka na maso, kangi lisisimikisigwe



ukuti u Yeso *yula* uyu aali nu bumi ifyinja elifu na bamia bahano na bamia bana ifi fikindilepo, uyu aafwile pa Kalvari, aasyukile pisiku lyabutatu, nukubonekela ku bafundigwa bala nukwigula amaso gabo, kangi aafingile ulufingo ulu ulwa lisiku ili, ali papapa apa ikilo iki mu kuyapo kwitu lilino, ikyene kikufimbilisigwa ukutwala isubilo ku bandu. Isubilo imbya sikumwekukila mmwanya.

<sup>46</sup> Lumo umunduyumo ikuyoba, “Ikipanga mu luko lumo kiyile kyumu pa kabalilo. Uswe twitugesye kisita amisi galigosa amapya ku—ku—ku myesi minandipo. Uswe twitugesye kisita lusanio. Kikuboneka ulwakuti aligwesa ali itolo akamandigwe fiyo, pamo ikindukimo ni kingi. Uswe tukubuka itolo ku kipanga nukwimba ulwimbo, kangi—kangi ukupilika indumi inandi nukugomokela.” Loli nakalinga itolo, polelo, akabalilo kako uswe tukwanda ukuya bumu, polelo Yeso ikwisapo pa buyo, ukupyagisya uswe, ikutwala ikindukimo ikipya kya uswe. Umwene akabalilo kosa alipo palapala ukubomba ikyo. Isubilo imbya sikwisa akabalilo—akabalilo kako Yeso ikwingila. Ukuyapo Kwake kukutwala ulusubilo ulupya.

<sup>47</sup> Umwene aamenye ukuti Umwene aalo yo Lisyu lya Kyala iliboneke pabwelu lila. Umwene ayibwene ungulilo yila. Pamo, linga umwene akaabombile, umwene angali akaali ali mwa Orthodox. Umwene angali akaali ikubuka ku kipanga. Loli umwene aaketile i Lisyi ilifingigwe lila. Umwene aaketile i Lisyu ilifingigwe lila likuboneseligwa pa bwelu nu Mwene kangi umwene aamenye ukuti Umwene aali yo Lisyu lyabumi lila. Kangi akabalilo kako umwene aapilike isya ikyene, umwene akapasisye ukuti balinga nikunkemelaga umwene, kali ikingi kiliku, umwene alinkubopela panja kwa Umwene itolo nakalinga mumo umwene abagilile ukubukila. Muketile? Umwene aamenye ukuti Umwene aali yo Lisyu ilibonekele pa bwelu lila.

<sup>48</sup> Kisita kwilamwa loli kyo iki umwene aabalile isya kapango ka Eliya mwisiku lyake. Lilino, umwene aali Lisyu lya Kyala ilibonekele pabwelu mu lisiku lila. Umwene aali nsololi, kangi i Lisyu lya Ntwa likwisa ku nsololi. Kangi aalipo unkikulu mula uyu ali nu mwanike unnini uyu apegigwe ku mwene nu lusayo uyu unsololi aalinsayile nayo umwene, kangi umwene aali nu mwanike.

<sup>49</sup> Ilisiku limo, isala ukufwana kalongo na yimo pamusi, umwene abagiile ukuti aali nu kutika kya lumu. Umwene aali panja mu ngunda nu gwise, ili Bangeli litikuyoba ukuti ikyene kyaali, tutigi ikyene kyaali kukomigwe ni lisuba, loli umwene alinkwanda ukukuta, “Untu gwangu! Untu gwangu!” ukufwana isala ya kalongo na yimo pamusi. Kangi umwene aali nu gwambombo, ugwise aali nayo, ukummwegela umwene uku nyumba. Umwene alinkundambalika pa malundi ga nyina

mpaka isala ya pamusi, alinkuya mbinepo kangi mbinepo ukukinda, kangi kubumalikisyo alinkufwa.

<sup>50</sup> Kangi lilino, mbuyo bwakubuka mbutolwe, aba... bosa abapalamani balinkwisa ukulalata nukukindilila, loli umama umwimike yula, umwanike gwake aafwile, umwene alinkumpimbila akene nkapinda akanini kala aka umwene atalile aayengelile kwa nsololi yula, kangi nukundambalika umwene pa kitala kyake, bo *ulo*. Kangi umwene alinkuyoba kwa gwambombo, “Ndendekesyela une imbunda, kangi ugwe gwendesyela kulakula, kangi komma ukwima pene papo une ngubulile ugwe.” O, mwe! Ikyo kyo kyene!

<sup>51</sup> Uswe tukaya na kabalilo ka kutatikana nukumana. Iki kyo kikindile ilisiku lila. Unko tukukindililege. Uswe tukufimbilisigwa ukubuka kula. Uswe tulinako ukulondigwa.

<sup>52</sup> Kangi polelo umwene alinkuti, “Ugwe talapo, kangi ugwe ungendaga polepole pene papo une ngukulagilaga ugwe.” Kangi abene balinkubuka mpaka abene balinkufika kwa Eliya.

<sup>53</sup> Eliya, ukuya nnyambala gwa Kyala, komma ukuya bo Kristi; Kristi aamenye ifindu fyosa, 'nongwa yakuti Umwene aali yo Kyala. Eliya aali kiyabo kya Kyala. Yula aali Kristi mwa Eliya. Kangi yila yaali ndumi ya sala yila, kabuno i Lisyu lya Ntwa ku sala yila lyaali nu nsololi yula.

<sup>54</sup> Yeso aali yo bwisusye bwa basololi bosa bala, aligwesa gwa abene bambonesyaga Umwene itolo. Ikyo kyo kyosa itolo. Injila yo yosa ukufuma kwa Yosefu, ukufuma utumbakasya twa siliva malongo matatu, paliposa, umwene—umwene aabonisyeye Kristi. Momumo u Mose yope!

<sup>55</sup> Davidi, itugesye bo mwalafyale unkanigwe pa kyamba, ikulila panongwa yakuti umwene aakanigwe. Ifyinja bamia lwele ukufuma pala, u Mwanundumiana gwa Davidi alitugesye pa kyamba. Yula aali yo Mbepo gwa Kristi mwa Davidi pala. Kangi Umwene...Mwe! Umwene ali fyosafibili Nsisi nu Kimela kya Davidi. Kangi polelo Umwene aalitugesye pa kyamba, ikulila, bo yo Mwalafyale unkaanigwe, “Yerusalemu, Yerusalemu, kalinga Une angali ngufugatile ugwe, bo yi nguku yikubombela pa twanake.” Ngimba kyali fiki? Ikyene kyali Kristi kunyuma kula.

<sup>56</sup> Ikyene kyaali Kristi ukulila akabalilo kako Davidi aasimbile ulwimbo, “Kyala Gwangu, fiki Ugwe undagiile Une? Ififupa Fyangu fosa, fikuketelela kwa Une. Abene balasile amalundi Gangu na maboko Gangu. Abene bayabene imyenda Gyangu pakati pa bene. Abene bikukoma amanjele panongwa ya nselekesye Gwangu.” Yula aali yo Kristi ikuyoba mwa Davidi. Uko ko kotalusya. Umwene aali yo kubonekela pabwelu kwa Lisyu. Kristi isile ukufwanikisya ifindu fila fifyo fyayobigwe na basololi, 'nongwa yakuti i Lisyu lyaali na basololi.

57 Umwene aayobile ikyo nkamanyisyo ikilo kya mmayolo, ukuti Umwene aalisile ukufwanikisya iki abasololi baayobile isya Umwene, 'nongwa yakuti abene baali ni Lisyu. Kangi Eliya aali nsololi gwa Kyala, i Lisyu lya lisiku lila.

58 Polelo unkikulu gwa Shunemu aalimile nu nsololi yula mpaka umwene aalisile nukubonesyela pa bwelu amaka ga Kyala, nukwilambalika mwene pa mwanike, kangi umwanike ukwisa ku bumi.

59 Lilino Marita abagiile ukuti akyagenie iki, palema nalinga umwene aayaga mmwanya ukutendekesya inyumba, ukusuka isahani, na fyosa. Loli pala umwene aboniisye ilangi yake. Umwene aboniisye iki naloliloli kyaali mwa umwene. Umwene alinkubuka ukummwega Umwene nakalinganakalinga. Lingi Kyala aali mwa Eliya, Kyala afimobilisigwaga ukuya mwa Kristi, 'nongwa yakuti Umwene aasisimikisye ukuti Umwene aali Mundu yula. Ameni. Une ngiganile ikyo, ikyo ubumilisi! Umwene ikubuka kwa Umwene. Umwene alinkufimobilisigwa ukuntwala Umwene. Kangi umwene ikusyagania kula, bo umwene ikubuka ku Mwene—ku Mwene; lilino mkumbukilaga, aamenye ukuti Umwene akasanwikemo siku, ukuti Kyala atikusanusyamo siku imbatiko Syake. Linga Umwene aali mwa Eliya kangi abagile ukusyusya abafwe, Umwene aali mwa Kristi kangi abagiile ukusyusya abafwe, palema nalinga Umwene akaabombilepo ikylene, 'nongwa yakuti ikylene yo Kyala yulayula.

60 Kangi Umwene akasanukapo mpaka na ulu! Yo Kyala itolo ikilo iki mumo Umwene aayilile iyolo. Umwene yo yulayula mmayolo, umwisyugu, na bwilanabwila. Umwene atikusanukamo mma.

61 Kangi Umwene aamenye ukuti umwene aamenye ukuti ikylene kyaali mwa Umwene. Ketesya, mmaminiti panandi itolo ikylene kyaasisimikisye ikylene, akabalilo kako umwene aayobile ikindukimo ku Mwene isya ndumbu gwake, kangi umwene alinkuti, "Ntwa, une—une ngwitika ukuti Ugwe gwe uli."

62 Kangi Umwene alinkuti, "Une ne Busyuke nu Bumi. Palema nalinga umwene afwile, loli umwene isakuyaga mumi. Kangi aligwesa uyu ikuya nu bumi nu kwitika mwa Une atisakufwamo siku. UNE YO UNE." Uyo yo UNE YO UNE aali ndusingi ulwamoto, na Mose. "Une yo Busyuke. Une yone Bumi. Une naali Kibumba. Une ngaali yone Umwene. Une ne Busyuke nu Bumi. Umwene uyu ikwitika mwa Une, palema nalinga umwene aali mfwe, loli umwene isakuyaga mumi. Aligwesa uyu ikuya nu bumi nukwitika mwa Une, atisakufwamo siku." Ukufuma ku lukasyo ulukulumba ulu lulo umwene aali nalo, ukuti Umwene aali yo Lisyu ilifingigwe; akabalilo kako Umwene aayobile, ukuya Nsololi, Umwene akaabagile ukutungulupa;

polelo Umwene, akabalilo kako Umwene alinkuti, “Une yone yo UNE YO UNE. Une yo Umwene yuyo yo Busyuke nu Bumi.”

<sup>63</sup> Umwene alinkuti, “Une ngwitika ukuti Ugwe yo Yula, u Mwanundumiana gwa Kyala yuyo aabagile ukwisa nkisu kya pasi. Palema nalinga undumbu gwangu afwile, alambalele mula mwipumba, umwene yo . . . umbili gwake gubolile lilino; loli pope lilino, kilikyosa iki Ugwe kuyoba, ikyene kikwisaga ukuboneka.” Kotalusya!

<sup>64</sup> Fyosa ifi umwene alondaga kwaali kumpilika Umwene ikuyoba ikyene! Ameni. O, Marita, ngimba uswe tuli kugu ikilo iki? “Yoba itolo i Lisyu; ugwambombo gwangu ikuyaga nu bumi!” Mpilika itolo Umwene ikuyoba ikyene! Abene lumo baliisile ukumbula umwene ukuti Umwene aayobile ikyene, loli apa Umwene aali yo Mwene. O Kyala, igula amaso amafwe, ukuti abene lumo babagiile ukuketa! Akabalilo kako Umwene, mu Kuyapo Kwake, ikuyoba i Lisyu, akabalilo kosa ikubonesigwa.

<sup>65</sup> Umwene aayobile, “Kilikyosa Ugwe kunsuma Kyala, Kyala isakukupaga ikyene kwa Ugwe. Unko itolo une mbilike!” Umwene aalondaga Umwene ukuyoba i Lisyu. Ifyo fyo fyosa umwene aalondaga ukupilika. Itolo ukwega i Lisyu, ifyo fyo fyosa ufu umwene alondaga, kwaali kumpilika Umwene ikuyoba ukuti Umwene ikubombaga ikyene.

<sup>66</sup> Kangi Umwene abagiile ukubomba ikyene palapala akabalilo kala, loli, umwe muketile, ukwisila mu mboniboni ukuti Tata aalimbonisye Umwene, Umwene afimbilisigwe ukuya imege pa lipumba. O, mwe! Kolelela ulwitiko lwako! Kyala ikubomba kilikyosa nu butalusye. Ikyene kikuyaga kyosa kinunu. Guulila itolo mpaka umwene ikufikaga ku lipumba.

<sup>67</sup> Ketesya, umwene abagiile itolo ukutendeka Umwene ukuyoba ikyene, nalinga pope umwene aakali aka . . . Isubilo syosa sikindile, fyosa filifyosa. Umwene aafwile, ikubola mwipumba, loli mpilika itolo Umwene ikuyoba ikyene, kyo kyosa umwene aalondaga.

<sup>68</sup> Lilino akabalilo kako Umwene aayobile, “Une yone Busyuke nu Bumi,” umwene aalitike ikyene. Umwene aalitike ikyene. Lilino ketesya, lilino umwene afimbilisigwaga ukwitikila ku fisitakubombigwa, akabalilo kako umwene ampilikege Umwene ikuti, “Une yone Busyuke nu Bumi. Palema nalinga umwene aafwile, loli umwene ikuyaga mumi, kangi aligwesa uyu mumi kangi ikwitika mwa Une atisakufwamo siku.” Alinkuti, “Ngimba ugwe kwitika iki?”

<sup>69</sup> Kangi umwene alinkuyoba, “Ena, Ntwa, une ngwitika ikyene. Une ngwitika ukuti Ugwe gwe Mwanundumiana gwa Kyala uyu abagilile ukwisa nkisu kya pasi.” Une nkiganile ikyo. Une nkiganile ikyo.

<sup>70</sup> Une—une njobilepo isi pa butasi. Ikyene lumo kikwimaga kangi lilino. Une nayobaga ku nkikulu akabalilo kanandi aka

kakindilepo, ikyene kyaali kipanga iki une njobile pitasipo, iki kitikwitika ukuti Umwene aali Kyala, Ubwakyala Bwake; Umwene aali itolo nsololi, umundu itolo.

<sup>71</sup> Umwene aali ikyo, naloliloli. Umwene aali ikyo, ukongelelapo Kyala. Muketile, Umwene aali yo kibonekela-pabwelu. Yeso yo mbili, u Ndumiana, u Nnyambala; Kyala yo iki kitugasyaga mwa Mwene. Kyala aali mwa Mwene. Umwene aali yo Kyala-mundu. Umwene aali Mundu, loli Umwene aali Kyala ikubonekela-pabwelu mu mbili. Akabalilo kako uswe tukumbona Yeso, uswe tukumbona Kyala. Ikyo kyo iki Umwene aayobile, “Akabalilo kako umwe mukumbona Tata...ngeta Une, umwe mukunketa Tata.” Panongwa yakuti, Umwene aali kindalika, panongwa yakuti Umwene aali Lisyu, ameni, ili lyaali ku bwandilo. Ameni.

<sup>72</sup> Umwene aakolile abasololi, “kyala.” Ngimba umwe mumenye ikyo? Umwene aatile, “Umwe mukubakolela abene ‘kyala’ babo i Lisyu lya Kyala likwisako. Bulebule umwe mukungemela Une akabalilo kako Une nguyoba, ‘Une yone Mwanundumiana gwa Kyala?’”

<sup>73</sup> Panongwa yakuti, i Lisyu lilalila lyaayobile ukuti Umwene isakuyangapo pala, kangi i Lisyu lili palapala likwibonesya-pabwelu kangi. Kangi pope abene balinkusitakwitika ikyene.

<sup>74</sup> Unkikulu uyu alinkuyoba kwa une, “Une mbagile ukusisimikisya kwa ugwe.” Alinkuti, “Une ngwikyela ukupilika ugwe kulumbilila, loli kilipo ikindu kimokyene ugwe kubomba ukukindilila fiyo.”

“Ena, kyo kiliku ikyo?”

Alinkuti, “Ugwe kwitufya fiyo pa Yeso.”

<sup>75</sup> Une ndinkuti, “Une ngusubila ikyo kyo kyene Umwene alinakyo ninongwa na nine akabalilo kako Umwene ikwisa.” Kangi umwene alinkuti... Une ndinkuti, “Une ngusubila ikyo kyo kyene Umwene abagiile, ubusobi ubu Umwene abagiile ukubwaga mwa une.” Une ndinkuti, “Linga une nali ni ndimi ma elifu kalongo, une angali ngayoba ukufwana, o, mwe, iki Umwene aali!”

Umwene alinkuti, “Loli, ugwe, ugwe kumpela Umwene Kyala.”

<sup>76</sup> Ndinkuti, “Umwene aali. Pamo, linga Umwene akaali, Umwene aali yo nsyobi inkulumba ukukinda bosa uyu ikisu kiyilemo nagwe.”

Umwene alinkuti, “Umwene aali nsololi.”

<sup>77</sup> Une ndinkuti, “Umwene aali Nsololi, ikyo bo bwanaloli: u Kyala-nsololi, ubwisyusye bwa Lisyu. Unsololi aali ni Lisyu itolo likwisa kwa mwene, ikyo iki kyalimpelile umwene—kyaalimpelile umwene ukuya nsololi. Loli Umwene aali bwisyusye bwa Lisyu.”

78 Kangi umwene alinkuti, “Une mbagile ukusisimikisya kwa ugwe.” Alinkuti, “Ugwe kumpela Umwene ukuya Nyakyala.”

Une ndikuti, “Umwene aali Nyakyala.”

Kangi umwene alinkuti, “Umwene akabigila ukuya Nyakyala.”

Une ndinkuti, “He . . . Loli Umwene aali.”

Umwene alinkuti, “Ugwe uyobile ukuti kwitika ili Bangeli.”

Une ndinkuti, “Une ngwitika.”

79 Umwene alinkuti, “Une ngusisimikisyaga kwa ugwe, ukwisila muli Bangeli lyako lyene, ukuti Umwene akaali Nyakyala.”

80 Une ndikuti, “Bomba ikyene. Linga ili Bangeli liyobile lulo, polelo une ngwitikaga ikyene, kabuno une ngwitika i Lisyu litalwisye.”

81 Umwene alinkuti, “Pa nsebwe ukusuluka ukufuma ku lipumba lya Lazaro, ugwe kukumbukila ukuti mwa Mwikemo Yohani 11?”

Une ndinkuti, “Une naloliloli ngwitika, mama.”

82 Alinkuti, “Ena, lilino, pa nsebwe ukusuluka, Umwene alinkukuta. Ili Bangeli lyaayobile, ‘Umwene alinkukuta.’”

Une ndinkuti, “Naloliloli, ili Bangeli lyaayobile Umwene aayobile.”

Alinkuti, “Aabagile bulebule Umwene ukuya Nyakyala nukukuta?”

Une ndinkuti, “Umwene aali nyamundu.”

“Nyamundu kangi Nyakyala?”

83 Une ndinkuti, “Ena, nkikulu. Ugwe kutoligwa ukuketa. Umwene aali yo—yo mundu ikwendendeka kula, ukukuta na bala aba bakuutaga, uko ko kutalusya, ukuya mbutolwe na bosa babo bali mbutolwe. Umwene aali mundu. Loli akabalilo kako Umwene aagolwisye akambili Kake akonywa, akanini, nukuti, ‘Lazaro, sooka panja,’ kangi unnyambala uyu aafwile ku masiku mana, aalimile pa malundi gake. Kila kyaalyegile ugwakukinda mundu, yula aali Kyala mwa Mundu.” Ywani abagile ukusyusya abafwe, loli yu Kyala? Umwene yo Busyuke nu Bumi! Uko ko kutalusya.

84 Ikilo kila panja pa nyanja, akabalilo kako Umwene aali panja pala, akatele, alambalele ku nyuma kwa bwato, kuko abohesi maelifu kalongo baafingile abene bayaga pakummilwa Umwene ikilo kila, kangi akabwato akanini akakuulu kakwelela ukusyungutila bo li lyela lya supa panja pala pa nyanja insambuke. Abohesi bala balinkwinogona, “Uswe tummwagile Umwene lilino. Umwene agonile; uswe tukwibisyaga ikipambo kyosa.” O, Umwene aali mundu, akatele, loli akabalilo kako bo

asumusigwe, Umwene alinkwimika ikilundi Kyake pa lugoye, nukuketa mmwanya nukuyoba, “Lutengano, batama,” kangi imbepo na mayiga filinkumpilikila Umwene. Yula aali nkinde mundu.

<sup>85</sup> Umwene aali mundu akabalilo kako Umwene aali ni njala, ukusuluka ukufuma ku kyamba, ikulondesya akambakasya ka nkati pamo akandukamo ukuti alye, pamo iliifilu ukufuma mu mpiki. Loli akabalilo kako Umwene aalyegile ifisyesye fihano nu tuswi tubili, nukulyesya maelifu mahano, yula aali Kyala ali mu Mundu yula. Uko ko kotalusya.

<sup>86</sup> O, unnyambala aligwesa uyu yo isilemo siku ukuya kindukimo itikaga ikyo, bosa abasimba-ndinganie aba balitike ikyo. Yo nongwa iyi yumo aasimbile:

Ukuyanubumi Umwene anganil'une; kangi  
ukufwa Umwene aalimbokile une;  
Ukusyiligwa, Umwene aapimbile imbibi  
syangu kubutali;  
Ukusyuka, Umwene aalinsalile kisita ntengo  
syepwa;  
Ilisiku limo Umwene ikwisa, O lisiku lya  
lwimiko!

<sup>87</sup> Eddie Perronet, uyu ulwimbo lwake lulinkutoligwa ukulisigwa. Ilisiku limo, ikupepeluka pasi pa butikigwe na Mbepo Mwikemo, alinkwega ikisimbilo, umwene alinkusimba ulwimbo ulwakufumusya, akabalilo kako umwene aasimbile:

Mwesa tufy'Ingamu ya Yeso!  
Unko Abandumi bagwe pasi;  
Twala panja ingiya yabunyafyale,  
Mfwike Umwene Ntwa gwa bosa! (Halleluya!)

<sup>88</sup> Naloliloli, ikyo kyo iki uswe tukwitika Umwene aali. Ena, nkulumba.

<sup>89</sup> Umwene abagile ukwitikila ku fisitakubombigwa lilino, ku minogonelo ga bwigufu ubwa isiku lila. Polelo momumo na nugwe kufimbilisigwa ukwitikila ku fisitakubombigwa, ukuti ukete u Bumi ubupya, ukuti ukete ikindukimo kikiboneka. Loli linga Umwene asyagenie. . . Umwene aalimmwagenie Umwene ukuya Lisyu, polelo ifisitakubombigwa fibagile ukuboneka, panongwa yakuti Umwene yo Mpeli, kangi isakwimaga kifuki na kilikyosa iki Umwene aayobile.

<sup>90</sup> “Kangi fyosa fibagisenie ku bene babo babagiile ukwitika.” Ilyo lya Lisyu Lyake. Loli ififikabagiligwa fikubombigwa akabalilo kako Kyala egigwe pa Lisyu Lyake. Ena, nkulumba. Akabalilo kako Kyala egigwe pa Lisyu Lyake, ififikagiligwa fiku—fiku peligwa ukuboneka. Akabalilo kako Kyala ikuyoba ikylene kikuyaga, polelo ugwe kwega i Lisyu lila kangi ketesya, ififikabagiligwa fikuboneka. Ikyene naloliloli fikubonekaga.

<sup>91</sup> Loli ketesya, pope mu fyosa fila, umwene alinkuti, “Pope na lilino, Ntwa, kilikyosa iki Ugwe kunsuma Kyala, Kyala isakukupaga icyene.” Umwene aamenye ukuti umwene aabagile itolo ukutwala i Lisyu lila ukwisa ukufuma mwa Mwene. Ikyo kyo kyosa iki umwene alondigwaga ukubomba, kwali kukutwala i Lisyu lila. Ena, iyene yaali saala iyangisi ukukinda, kangi Yeso alinkwisa pala nukukoolela. O, kyo kindunki iki abene baaketile, u busyuke!

Unko uswe tuketepo ku bangi abakongelelapo kuko isala iyangisi yaalisile.

<sup>92</sup> Aalipo unnyambala akabalilo kamo, ugwangamu Yobu, yumo mwa basololi baiyolo fiyo mw’Bangeli. Umwene aali nnyambala unkulumba. Umwene a—umwene alinganile u Ntwa, kangi umwene aabombile fyosa ifi Umwene aamenye akabombile. Kangi Setano alinkulonda ukunsefania umwene, polelo umwene alinkuyoba kwa Kyala ilisiku limo. . . Ena, Kyala aayobile kwa umwene, ndigi, “Ngimba gwaali kugu ugwe, Setano?”

<sup>93</sup> Umwene alinkuti, “O, kukwendendeka ukubuka-nu-nukugomokela kangi mwanya-na-pasi pa kisu.”

<sup>94</sup> Umwene alinkuti, “Ngimba ugwe ummwagenie ugwambombo Gwangu Yobu? Akayapo nayumo uyu ali bo umwene nkisu. Umwene yo nnyambala mpelelesye.”

<sup>95</sup> “O,” umwene alinkuti, “naloliloli, Ugwe umpele umwene kalikosa, kumbombela umwene kilikyosa. Naloliloli, umwene yo nnyambala unkulumba. Loli unko une numwege umwene akabalilo kamo, une ngusanusyaga ubukobelo. Une ngumpelaga umwene ukukenya Ugwe, pa maso Gako.”

<sup>96</sup> Umwene alinkuti, “Ugwe ukabagile ukubomba icyene.” Ulo lo lusubilo Lwake mwa mwitiki. Fiki? Umwene yo Nsitampaka. Umwene yo Gwasypwa. Umwene amenye ubumalikisyo ukufuma ku bwandilo. Umwene aamenye ukuti Setano akabagiile ukubomba icyene. Kabuno, Umwene yo Lisyu, Umwene aamenye ifi Yobu ayaga pakubomba.

<sup>97</sup> Lilino, kumbukilaga, Yobu, umwene alinkoyobwile umwene mu mulu, aagogile abana bake, aalyegile kilikyosa iki umwene aalinakyo. Ubukafu bwake bwakindile. Bope naba batamisi bake baalisile, kangi abene balinkusita kubomba nakamo loli kukunjoba umwene ukuya ntulonongwa ugwakwifisa. Kangi ugwayoyolo Yobu alinkwisa mbuyo bwa luko lumo mpaka umwene alinkuya mbutolwe fiyo.

<sup>98</sup> Ugwe kufimbilisigwa ukwisa mbutolwe, ukwanda. Ugwe kufimbilisigwa ukwisa nkabalilo kuko ugwe uli ku bumalikisyo bwa nsebwe.

<sup>99</sup> Yobu aafikile kubumalikisyo bwa nsebwe, akabalilo kako umwene aatile, “Ligunigwege liyege lisiku ili une napapigwemo.



Iisuba lilitoligwaga ukukwaka, kangu umwesi gulitoligwaga ukwaka pa kilo, ingamu yilitoligwaga ukukoleligwa.” Kangu mbutolwe bula, polelo Yeso alinkwisapo. Umwene aaketile pasi, kangu umwene alinkuti, “Une nguketa, ukuya mundu, ililuba likufwa, kangu ilyene likufyuka nkabalilo ka fimela. Linga umpiki guputiligwe pase, ugwe ne gukufyuka kangu ukwisila mu kunungisya kwa misi.” Umwene aaketile ubumi bwa fimela fyosa bukuya nu bumi kangu, loli alinkuti, “Umundu ikulambalala pasi, umwene ikutaga imbepo yake, ngimba umwene ali kugu?” Umwene aamenye umwene aali nnyambala unkusi. Umwene alinkuti, “Abana bake bikwisa ukundila umwene, kangu umwene atikusimanya isyene mma. O, ukuti Ugwe umfise une mwipumba nukumfisa une mbuyo ubwifise, mpaka ubugasi Bwake buyege bukindile. Mbikila une akabalilo kamo kangu nsengulila une akabalilo kamo. Uswe tulinkubuka...” Kangu ukukindilila bo ulo, ukuyoba. Umwene aali ku bumalikisyo, ubwa butolwe bwake, “Ngimba kyayaga pakuboneka fiki? Amani gikuya nu bumi, agene gikugomokela mmipiki, amaluba gikugomokela, kilikyosa ikingi kikutupuka, loli umundu ikulambalala pasi nukutaga imbepo yake!” Umwene aali mbutolwe. Umwene akaamenye iki kyayaga pakuboneka kumwene, kangu umwene pa bukusi bula.

<sup>100</sup> Akabalilo kako umwene aabombile, polelo Yeso alinkwisapo. Kyala alinkusosola untu gwake ku mwanya, kangu umwene alinkumbona Yeso ikwisa mmasiku aga bumalikisyo.

<sup>101</sup> Isala iyangisi ukukinda yila akabalilo kako unkasi gwake aayobile, “Nkeya Kyala kangu gufwe ubufwe,” pope umwene alinkuti, “Nkikulu, ugwe kuyoba bo bakikula abatoyofu. U Ntwa apeele, kangu u Ntwa asosisyepo, yiyege nsayigwa i Ngamu ya Ntwa.” Yope nunkasi gwake alinkunkana umwene. Ikipanga kyake kilinkunkana umwene. Aligwesa aalinkanile umwene.

<sup>102</sup> Mu sala iyangisi yila, kuko umwene akaamenye kuko umwene abukaga ukufuma pala, Yeso alinkwisapo. Polelo umwene alinkulalata, “Une mmenye u Ntabuli gwangu ali nu bumi, kangu ku masiku aga bumalikisyo Umwene isakwimaga pa kisu kya pasi. Kangu palema ukufuma amafunya ba kipapa bikonanga umbili ugu, loli mu mbili gwangu une nisakunketa Kyala, Yuyo une nisakunketa pa nimwene.” Mu sala yake iyangisi ukukinda, polelo Yeso alinkwisapo. Ena, nkulumba.

<sup>103</sup> Mose, kwa Mose, isala iyangisi ukukinda yisile kumwene mu Israeli. Umwene ali palapala ndukindi lwa mbombo; aalyagene na Kyala nkyamba pala ndusingi, kangu kulinkuti, “UNE YONE NE UNE.” Umwene alinkusulkila kula kangu aalwile uluko losa lwa kwegelela kwa Yanesi na Yambre, ukugela ukwegelela ikika kyake. Fyosa ifi, umwene alinkwima gwabwanaloli kwa Kyala. Umwene kubumalikisyo alinkubapela Israeli ukwitika. Kangu pala umwene ikusooka ukufuma mu Igupti, ukufyuka mmwanya ku—ku kisu ikifingigwe, kuko Kyala

aatile, “Umwe mwisakunyiputa Une pa kyamba iki.” Lila lyaali Lisyu lya Kyala. Mose aamenye umwene aafimbilisigwaga ukubuka ku kyamba kila. Ameni. Kyala aayobile lulalula! Akaalipo Farao abagiile ukungoga umwene. Akaalipo mohesi aabagiile ukungoga umwene. Nakimo kibagile ukungonga umwene. Umwene ikwisa ku kyamba kila. Ameni! Haleluya! Une ngwipilika mwiputi. Umwene ikubuka ku kyamba kila.

<sup>104</sup> Momumo nuswe tuli pa nsebwe gwitu ukubuka ku Lwimiko! Nakimo kikutwimikaga uswe. Umma, nkulumba. Kyala ikusisimikisyaga i Lisyu Lyake. Une ndikupasya iki kikubonekaga, Umwene ikubombaga ikyene, mulimosa. Ena.

<sup>105</sup> Pa nsebwe gwake, mulamula mu njila ya mbombo. Apa umwene alipo, asyungutiligwe pakati pa fyamba. Umwene ikupilikisya nu kupilika akogo kunyuma kwake. Ngimba ikyene kyo fiki? Amagileta ga Farao, maelifu ubwingi, gikwisa; nifwabwite, ni ngwebo ni findu, ukubatogela abene pasi nu kubakanyangania abene pasi. Kula yo Nyanya Ingeseфу, yalimmwigalile umwene. Ngimba umwene aabombile fiki? Umwene alinkuya mbu-...Umwene alinkuya mbutolwe. Abandu bosa bikukuta, “O, uswe tukubilwe lilino. Farao ikutugogaga uswe, inyibo syake sikutulasaga uswe. Abana bitu bikufwila muno ndulangalanga.”

Mose alinkukuta, “O Kyala!”

<sup>106</sup> Kangi polelo Yeso alinkwisa pa buyo. Umwene aali Mbanda ya Moto. Uko ko kutalusya. Umwene alinkusuluka kangi Umwene alinkwelela pakati pa umwene nu bubibi. Ameni. Umwene yo Mbuka-pakati gwitu. Umwene yo Mwimilapakati, ameni, uNsongi. Pala Umwene alinkwima, imile pala; ingisi ku banyaIgupti, baba aba bisaga ukugela ukubomba ikindukimo kya ikyene. Umwene aali Bwelu kwa abene, ukuti bendemo. Polelo ndubunju akabalilo kako imbepo yaalyandilepo ukupuuta nubukafu fiyo, ikilo kila, polelo ngimba Umwene aabombile fiki? Umwene aalisile mbubumbigwe bwa Mbanda ya Moto.

<sup>107</sup> Kumbukilaga, Umwene akaali yo Mbanda ya Moto. Ena, nkulumba. Akabalilo kako Umwene aali pa kisu kya pasi, Umwene aatile, “Une nisile ukufuma kwa Kyala, kangi Une ngubuka kwa Kyala.”

<sup>108</sup> Kangi ukufuma pa bufwe Bwake, ukusyiligwa, ukusyuka, nu kufyuka mmwanya; Mwikemo Pauli, pa nsebwe gwake ukusulukila ku Damasiko, umwene aakomeligwe pasi ni Mbanda ya Moto yila. Kumbukilaga, umwene aali m’Hiburi. Umwene akaabagisenie ukuyoba iki...Umwene alinkuti, “Ntwa, Yuwe yo ani Ugwe?” Unnywamu N-t-w-a, Elohimu. “Yuwe yo ani Ugwe gwe une ngukufwima?”

Umwene alinkuti, “Yone Yeso.”

<sup>109</sup> Ameni! Haleluya! Umwene yo Gwakwanda kangi Gwabumalikisyo. Umwene akaali yo yulayula. “Nkabalilo kanini kangi ikisu kitikumbonaga Une kangi mma, loli umwe mwisakumbonaga Une. Une nguyaga na umwe, nkati mmyinu mope.” U Mbanda ya Moto yulayula, u Kyala yulayula ikibomba ikindu kilakila, nu lufingo lulalula, ameni, ukupela i Lisyu Lyake ukubonekela pa bwelu. “Une ne Busyuke nu Bumi. Une ne Mwene yuyo Aali, Umwene yuyo Aliko, kangu Umwene yuya Isa kwisaga.” Ena, nkulumba. Ena.

“Aba tata bitu baliile a mana ndulangalanga.”

<sup>110</sup> Umwene alinkuti, “Abene bo, aligwesa, bafwile. Loli, UNE YONE YO UNE.” Mose. . . Ndusingi ulu lwaapyaga, kila kyaali kyo UNE YUNE. Umwene akaali yo UNE YUNE, komma Une naali; UNE YUNE, i tensi ya lilino, akabalilo kosa.

<sup>111</sup> Uswe tukusyagania apa ukuti Mose akamandiigwe palapala pa nguto, kangi Kristi aasulwike pasi. Lilino, kangi ili Bangeli lyaayobile ukuti, ukuti, “Mose aafyusisye u—u bwiuyule bwa Kristi ukuya bukindepo pa fyuma fya Igupti.” Ubwiuyule bwa Kristi! Kristi aali yo Konelela, u Logos uyu asookile ukufuma kwa Kyala. U Gwandumi, umfunda li Bangeli aligwesa amenye ukuti u Gwandumi yula yo Kristi. Kangi Umwene alinkuyapo pala ndulangalanga, kangi Umwene alinkwisapo pa buyo, n’duko ulu Umwene abagesenie ukwibonesyamo. Lwimiko kwa Kyala!

<sup>112</sup> Umwene ikwisa umwisyugu n’duko, yulayula Kristi, iboniisyemo.

<sup>113</sup> Umwene aababulile abene Umwene ikubatwalaga abene panja. Umwene ayaga pakubomba ikyene. Pala Umwene isile ukwima ni Lisyu Lyake, ukusisimikisya Ilyene. Polelo bo Umwene isile, muno Umwene aabombile kwa Marita, polelo Umwene alinkukoolela. Umwene alinkuti, “Mose, fiki ugwe kukuuta kwa Une? Yoba ku bandu aba, ukuti umwe mubukege nkyeni.” Isala iyangisi yila, i Nyanja Ngesefu yilinkwiguka kangi abene balinkukilania, pa njila yabo ukufwanisikisya i Lisyu lya Kyala. Ena, pa sala iyangisi iya Mose ukukinda, polelo Yeso alinkwisapo. Uswe tuli nakabalilo lilino. . . Kangi Umwene alinkukoolela Mose.

<sup>114</sup> Uswe tukulonda ukuti umwe muketeko ku nnyambala unnini uyungi. Ingamu yake yo Yairo. Balipo bingi fiyo aba abene nkisu kya pasi umwisyugu. Umwene aali mwtiki gwakwifisa. Umwene aalinganile Yeso. Umwene ataliile aapilike isya Umwene. Umwene aalimmwitike Umwene. Loli, umwe muketile, umwene aatalile aaliyingisye mwene ku kipanganio. Ena. Umwene—umwene—umwene—umwene itolo. . . Umwene alinkutologwa ukusoka panja nukwilata ikyene. Umwene aalitike ikyene, loli umwene alinkutologwa ukufumunya ikyene,

polelo umwene atalile aalingile na basitakwitika. Loli umwene naloliloli aalitike icyene.

<sup>115</sup> Umwe mumenye, akabalilo kako u nnyambala mbubumbe bula, utubalilo tumo Kyala ikuntwala umwene kububonekelo. Mubwene mo mbutolwe mo muno uswe naloliloli tukubonesya ilangi syitu, iki uswe tuli naloliloli.

<sup>116</sup> Polelo pala umwene aalipo, umwene atalile aalingile ku basitakwitika, kangu umwene aatalile abukile kula nukubika ingamu yake mwa buku, na fyosa. Kangu umwene aali mputi, kangu polelo umwene—umwene itolo alinkutoligwa ukutendeka ubufumusyeyi, nongwa yakuti lila lya litikiti lya bulye bwake. Polelo, loli umwene pope amwitikaga Yeso.

<sup>117</sup> Ilisiku limo, umwanundindwana gwake alinkuya mbine. O, mwe. Umwene, kisita kwilamwa u nnyambala, linga umwene . . . bo lula, aabagiile ukunkoolera u dokotala. Ugwamikota nsile, alinkunketa umwanike. Ukupyumbili kwake kuli nkuya kubibipo kangu kubibipo. Bo akabalilo kakindilepo umwene alinkuya mpyano fiyo, na filifyosa, umwene kubumalikisyo alinkwisa ku buyo bwa bufye. Umwene aali mbutolwe. Umwene alinkufimbilisigwa ukubomba ikindukimo. Umwene—umwene itolo akaamenye isyakubomba. Lilino umwene alinkwinogona, “Linga une mbagile itolo ukummwaga Umwene, kulikosa kuko Umwene ali.” Lilino umwene akagulilemo siku mpaka ukwene kulinkuya kabalilo ka kilo, bo yu Nikodemu aabombile, ukuya nu kwangala ukwakwifisa. Akabalilo kaali ka mbombo, akabalilo kaalisile akakubombela imbombo kangu umwene ikufimbilisigwa ukubombapo lulalula.

<sup>118</sup> Kangu une ngwinogona, nkundwe, kalumbu, kilakila kyo kili lilino. Akabali kisile aka mbombo. Akabalilo kisile akakwitikila pamo kusika kwitika. Ulukindi ulwa kukindanisya lukwisa ku nnyambala nu nkikulu aligwesa. Ulwene lukwisa ku mwanike aligwesa. Utubalilo tumo akabalilo kako ugwe kukilania ulukindi lula, kilipo ikindu kimokyene itolo iki kisyeyi, icyo kyo bulongi, akabalilo kako ugwe kukilania pakati pa kisa nu bulongi, akabalilo kako ugwe kukilania ulukindi lula.

<sup>119</sup> Kumbukilaga, umwene alinkwisa mbutolwe. Umwene akameenye isyakubomba. Pala palinkwima abaputi bake, aba rabbi bosa bimile ukusyungutira umwene. Ubwinake bwaali na yu mwene, bosa pasi pala, bikunketelela undindwana gwake unnini ikufwa. U dokotala imile panja, na maboko gake gapetekigwe, ikusenyenda amaboko gake, “Une numpele unkota guligosa ugu une ngumenye, loli poope . . .”

<sup>120</sup> Muketile, icyene aali Yeso ikubomba akabalilo kosa. Yeso aabombaga iki panongwa yimo, ukutwala ilangi panja iya mwinitu unnini yula. Bo kakindilepo akabalilo, uen mbagile ukumbona umwene ikubuka ukwega akatili kake akatitu nukukafwala akene, ukufwala akaselekesye akanini akabaputi.

“Ngimba kubuka kugu?”

<sup>121</sup> “Une ne . . . Une mbilike ukuti Umwene ali pasi ku kisooko. Une ngubukaga ukwakwagana nu Mwene!” O, mwe! Ukusokapo umwene alinkubuka!

<sup>122</sup> Mu sala yila iya butolwe, umwene alinkufimbilisigwa ukutendeka ulusalo: ukwitikisya umwana gwake afwe, pamo umwene aamenye ukuti kila kyaali Lisyu iliboneseligwe. Umwene aali mputi, kangi umwene aabalile i Lisyu, kangi umwene aamenye ukuti kila kyaali kubonesya kwa Kyala. Kyala aali mwa Kristi, ukusayana ni kisu kya pasi nu Mwene. Umwene aamenye ikyo, kangi umwene alinkufimbilisigwa ku lutamio. Umwene alinkufimbilisigwa ukutendeka ubusobi, ukwitikisya ukuti umwanake afwe, pamo ukutendeka ubwilaate bwake. Akabalilo kako umwene isege mbutolwe bula, akene kaali kifuki kabalilo kabumalikisyo aka Yeso aalisileko. Umwene alinkubuka ukwagana nu Mwene. Umwene alinkuyoba—Umwene alinkuyoba, “Une ngubukaga na nugwe, kali ugwe kuyobaga kiliku.” Kangi panja pa nsebwe, apa alinkwisa ugwakubopa, ikindu ikyangisi pala. Umwene aatendike ubwilate bwake, ukuti umwene alimmwitike Umwene. Umwene alisosise mwene palapala, nukwibika mwene mmaso gabandu, ukuti umwene aali mwitiki gwa Yeso.

<sup>123</sup> Kangi apa alinkwisa ugwakubopa, alinkuti, “Komma ukuntamia nayumo, ’nongwa umwanundindwana gwako afwiile. Umwene aafwile mmayolo. Umwene afwile. Komma, komma ukusunga ni kyene kangi mma.”

<sup>124</sup> Kangi, o, indumbula yake innini yafwene yikutoligwaga. Loli umwene alinkuketa kangi agabwene amaso gala aga Yeso, gikuti, “Ngimba Une ngaayobile kwa ugwe? Komma ukutila, linga ugwe kulonda ukuketa ulwimiko lwa Kyala. Ngimba ugwe uli nulutende na fiki? Une ngubulile nganila ukuti Une ngubukaga.”

<sup>125</sup> Umwene atalile ayobile ukuti Umwene ikwisaga. Umwene atalile ayobile ukuti Umwene isakubombaga iki, kangi apa Umwene ikubomba ikylene. Ameni. Umwene aayobile ukuti Umwene ikufyukilaga pa buyo mmasiku agabumalikisyo nu kubomba ifindu ifi mumo Umwene aabombile, muno uswe tubaliile ikilo iki kyakindaga kangi nukuyobapo. Apa Umwene ikubomba ikylene. Ngimba ugwe uli nulutende na fiki?

<sup>126</sup> Kumbukilaga, akabalilo kako Umwene aalisile, kangi Umwene alinkoolile umwene ukufuma ku bafwe. Umwene aalisilepo pa buyo nu kunkoolela umwene ukufuma ku bafwe.

Ugwaiyolo umfwamaso Baratimeyo, akabalilo kamo, alinkwisa mu sala iyangisi ukukinda.

<sup>127</sup> Yeso aali pasi pala, aapangenie ifyalubunju fya ba Full Gospel Business Men pasi pala mu—mu Yeriko, kangi Umwene aali na Zakeyo pasi pala. Umwene aalyagene nagwe mu mpiki,

ukusulukila ndukindi. Polelo akabalilo kako Umwene aali. . . Ena, Umwene alinkusita kupangaania ikindu ikingi mma, une ngusisimikisya. Muketile? Polelo lelo akabalilo kako Umwene ikwisa pasi pala, kangu Umwene—Umwene alinagwe umwene, Zakeyo aabukile na yu Mwene.

<sup>128</sup> Ugwayolo umfwamaso Baratimeyo aali mfwamaso ukufuma bo umwene aali ndumiana unnini. Polelo umwene aalinogwiine ukuti Yeso abagisenie ukusookela ikipata kila, kangu umwene aagulilaga. Bo akabalilo kakindilepo umwene alinkupilika ikyongo kingi fiyo, kangu aligwesa ikwisa kifuki.

<sup>129</sup> Kangu umwene alinkupilika umputi ikuti, “Hee! Hee, ugwe, ugwe kufyukaga ku kyamba kula! Ngimba—ngimba—ngimba. . . Uswe tukupilika ukuti ugwe kusyusya abafwe. Uswe tuli na mapumba gosa giswile na bene pamwanya kuno. Linga ugwe gwe Mesiya, linga ugwe gwe Mesiya, isaga kuno nukusyusya abafwe aba.”

<sup>130</sup> Umwe mumenye, u mohesi yulayula akaali ali mumi, muketile, mbubumbigwe bwa bwiputi, injila yilayila. Muketile?

<sup>131</sup> “Linga ugwe gwe Mesiya, uswe. . . ugwe syusya abafwe; uswe tuli na mapumba giswile na bene pamwanya kuno. Gweisa.” Kangu, o, aligwesa ikulalata. Yumo ikuywega, “Hosana ku Nsololi!” Uyungi ikulalata *iki, kila*, pamo *ikingi*. Ukufuluganika kuki!

<sup>132</sup> Unnyambala ugwaiyolo umfwamaso uyu alinkwinogona, “O, une ndegenie nu Mwene. Umwene asokile pasi pala, kangu une ninogonaga Umwene ikwisilaga kuno. Une mbikigwe mbuyo ubusobi.” Kangu umwene alinkwanda ukulalata. Umwene alinkwinogona, “Linga Umwene yo Lisyu, Umwene yo Kyala; Umwene abagisenie ukuya.” Polelo, “O, Yeso, Ugwe Mwanundumiana gwa Davidi, yaga ni kisa pa une!” Mu sala yila iyabutolwe, umwene alinkukooolela panja.

<sup>133</sup> Lilino Yeso, linga umwe mukwenesya ikyene apa, aali ku Yeriko. Apa abene baatile umwene aalitugesye, umwene aali mayadi mia yumo na malongo mahano ukufuma papo Yeso aali. Na bandu maelifu bikubopabopa ukusyungutila Umwene, Umwene akabagisenie ukupilika inguuto ya nnyambala yula. Umma. Loli Umwene alinkwipilika iyene. Umwene alinkwima.

<sup>134</sup> Une ngulonda ukulumbilila, kimo kya kilo iki: “Kangu polelo Yeso alinkwima.” O! “Kangu polelo Yeso alinkwima.” O!

<sup>135</sup> Loli akabalilo kako Yeso aalimile, kyaali fiki ikyene? Umwene alinkukooolela umwene. “U Fundi isile. Komma ukupasya,” balinkuyoba abafundigwa, “Umwene ikukukolela ugwe. Umwene ikukukolela ugwe.” Ukukooolela umwene ukufuma mu kilundilo kila.

Umwene ikubomba ikindu kilakila lilino. Ngimba ikyene kikwiubika myinu? Muketile?

136 “U Fundi isile kangi akukoliile ugwe.” Kangi Umwene alinkoliile umwene ukufuma ku bufwamaso ukubuka ku bwelu, ukufuma ku ngisi ukubuka ku bwelu. Kangi Umwene aalinkoliile umwene, ukukilania ukufuma ku bufwe ukubuka Bumi. “U Fundi isile kangi Umwene ikukukolela ugwe.” Kangi akabalilo kako Umwene aalinkoliile umwene, Umwene alinkun’gomokesya ukuketa kwake.

137 Unkikulu unnini uyu aali nukoneka kwa lilopa, akabalilo kamo, pamwanya pa kyamba, aatagiile ihela syake syosa, na ba baganga. Umwene, kisita kwilamwa, abene balyulisye i—i akabugutula. Abene balyulisye i—i un’gunda, baalyulisye ugwe. Abene baatagile fyosa ifi abene babagiile na baganga, nayumo gwa bene abombilepo ikinunu kimo. Umwene alinkukindilila ukuya mbinepo kangi mbinepo. Ililopa lilinkusita kwima. Ukumilisya, lilinkukindilila iliyene nu kukindilila, umwene alinkuya nsolofu kangi nsolofu ukongelelapo.

138 Kangi ilisiku limo, bo itugesye kula ikusonasona, pamwanya pa kyamba ukufuma kuko umwene itugasyaga, umwene alinkuketa pasi ndusungo, kangi umwene alinkuketa ubwato bukwingila. Aligwesa alinkwanda ukubopa, “Hosana ku Nsololi!”

139 Umwene aapilikemo isya Umwene. Ulwitiko lukwisa nu kupilika. Lilino umwene aayobile, “Une ngusulukaga kangi ngaketemo Umwene.”

140 Kangi akabalilo kako umwene ikusuluka kula, kangi umwene ikyakwana alinkuketa i Lisyu lya Kyala likubonesigwa mu mbili, kyalipo kimo ukufwana nu buyobelo Bwake nu kabonekelo Kake, ifi umwene aamanyile ukuti aali yo Umwene. Ena, nkulumba. “O, linga une naabagile ukukwaba ukuti Umwene aangete mu njila yimo, linga une naabagile ukumpalamasya itolo Umwene mu njila yimo!” Kangi umwene alinkwifinyilisya nkilundilo kangi umwene alinkupalamasya unselekesye Gwake.

141 Lilino kumbukilaga, ulwene lukaali lobe lwake ulu Umwene ipilikaga. Umma, nkulumba, panongwa yakuti unselekesye gwa kiPalestina gukuya ni fwasi. Kangi Umwene. . . abene bali- . . .

Peteri alinkuti, “Aligwesa akupalamasisye Ugwe.”

142 Umwene alinkuti, “Loli uku ko kupalamasya ukukindane. Une ngwipilikisya ukuti une nisile ukuya mbukatale.”

143 Yeso aalisile. Ihela syake syamalike, kilikyosa kyaabukile; loli mu sala iyangisi akabalilo kako ililopa lilinkusita kwima, kangi abaganga balinkutoligwa ukulimika iliyene, Yeso alinkwisa. Kangi ngimba fiki ifi Umwene aabombile? Umwene alinkukoolela umwene. Ukuketesya ukusyungutula mpaka Umwene alimmwagile umwene, kangi Umwene alinkuti, “Ugwe gwaali nu kusooka kwa lilopa, loli iliyene lilekile.”

<sup>144</sup> “Umwene yo yulayula mmayolo, umwisyugu, kangu bwilanabwila.” “U Fundi isile kangu Umwene ikukukolela ugwe. Umwene isile kangu Umwene alinkukolela.” Umwene aalinkoliile umwene ukugomokela ku bununu.

<sup>145</sup> Unkikulu unnini pa kisiba, uyu uswe tuyobilepo ikilo kya mmayolo, isubilo syosa syakindile. Pamo, lumu undume gwake ugwakihano aalindekile umwene, kangu umwene alinkwega ugwakihano na yumo lululu ulu ikilo kilo, kangu umwene—umwene aali mu kwilamwa ukunini ukufwana nu mwene. Nkayilo, umwene aabukile. Umwene aalondaga ukuya dona ugwanalolili; umwene, kisita kwilamwa, umwene aabalaga ili Bangeli.

<sup>146</sup> Kangu umwene aabukaga kulakula kula, aabukaga isala ukufwana ya kalongo na yimo. Umwene akabagiile ukwisa ukulabila ndubunju mma akabalilo kako abakikulu abagolofu bikwisa. Kangu abene baapimbaga amisi gabo pantu, kangu indeko, nukugomokela pasi pala. Kangu polelo umwene akabagisenie ukwisa, ukwifulugania na bene. Abene, abene baali kusalana kwa ikyo mu lisiku lila, abagolofu na basobi bakafulugania palikimo mma. Abahuni basyalaaga mbuyo bwabo, polelo umwene alinkutoligwa ukwisa na bangi ba abene. Abene bakabagiile ukummwitikisya umwene ukwisa. Polelo lingwa aligwesa egile amisi gabo nukugomokela...Umwene isile panongwa ya manunupo.

<sup>147</sup> Kangu polelo umwene alinkwisapo pala ni ndeko iyi pantu gwake, kisita kwilamwa umwene endaga injila yosa, ikwinogona, “Lilino, unnyambala uyu une negene nayo, pamo, negile ikilo kya mmayolo, une ngumwilamwa umwene. Umwene yo nnyambala, umwene ikubomba isyakuswigisya. Une—une itolo ngamanya isya umwene. Une ngaya nalo ulusako. Une nsosigwemo ukufuma mbandu. Kangu une ngabagila ukubuka mfiyanga ifi, abene batiku... Itolo keta ku bene! Une ngamanya isyakubomba. Une ndi'mbutolwe. Kangu une ngubala ili Bangeli; nalolili, ilisiku limo, u Nsololi yula isakwisaga pa bwelu. Lilino une mmenye abene bayobile ukuti kikayako ikindu kya luko ulu, kangu iki kili luulo, ‘Lumu ifyinja mia yumo ukufuma apa, kangu ifyinja elifu yumo ukufuma apa. Uswe tukukilondesya ikyene ku fyinja maelifu, kangu ikyene kikabonekamo siku mpaka mwisyugu, polelo uswe tutikulondesya ikyene kangu mma lilino.’ Kilikyosa ki luulo, ‘O, umma, uswe tuli ni fiyanga ni findu. Uswe tutikulonda ni kindu nakimo bo ikyo lilino.’” Polelo pala umwene abukaga injila yosa, ikwinogona.

<sup>148</sup> Umwe mumenye, akabalilo kako ugwe kwinogona isya Umwene, ako ko kabalilo aka Umwene ikuboneka kwa ugwe. Muno uswe twali nafyo ikilo kya mmayolo, akabalilo kako abene bali pa nsebwe gwabo ugwa ku Emausi.



149 Akabalilo kako umwene inogonaga pa findu ifyo, umwene alinkumpilika u Nnyambala ikuyoba, “Ndwalila Une agakunwa.”

150 Fiki ifya icyene? Mu sala yake iyangisi fiyo, akabalilo kako akayilo kake kaakindile. Lumo unkikulu ummogi unnini, asyumbutusigwe ndukindi ukwitugasya bo lula. Utubalilo tumo ukwene kutikuya busobi bwa ndindwana unnini, ubwene bo busobi bwa bapapi, ukummwitikisya umwene ukusooka panja bo lula. Kangi pala umwene aalipo, lumo ututibe twa nywili twake tosa twinamile pasi; umwene amalike, ukubuka mu njila, akatele, kangi nayumo ali nakyo kimo icyakubomba nu mwene, u mwanike, kangi lumo akapango akanywamu kunyuma kwa icyene.

151 Mulimosa, une mmenye ikindu kimokyene, umwene aabalile ili Bangeli, kangi umwene aalitike ili Bangeli. Kangi pala yalipo imbeyu inini yilambalele mu ndumbula yake, ikuyoba, “Linga icyene kibonekangamo siku, une ngukimanyaga icyene.” Umwene aamanyigwe ngaanila ku ikyo.

152 Keta ugwaiyolo Yuda yula imile pala nukubomba bo iki umwene aabombile. Iyene yaali ndiitu pasi pa lwalo lwa ndumbula yake. U Bwelu bwamulikaga pala mu mbombo syake, loli pasi pa ndumbula yake umwene aalinkusita kwitika Ilyene. Kangi apa umwene aali. . . Muketile, u Bwelu bwilinkutoligwa ukwisa pasi ku kila. Loli apa umwene aali, itika, umwene aalitike Ilyene, loli ubumi bwake bwali butitu mosa; akabalilo kako u Bwelu bwamuliike, Ilyene lilinkusosyapo ubutitu mosa. Loli akabalilo kako u Bwelu bwaamuliike kuno, Ukwene kulinkuya kutitu mosa. Uko ko kukindana.

153 Muketile, umwene apapiligwe ku nongwa yila. Umwene— umwene alinkuyoba, akabalilo kako Umwene aalimbulile umwene abanyambala balinga umwene alinabo, umwene. . . Fiki fyabonike? Umwene nakalinga itolo alinkulalamuka ukuya bo. Umwene aali mbutolwe. Umwene alinkuti, “Nkulumba, une ngusyagania ukuti Ugwe gwe Nsololi. Une mmenye ukuti akabalilo kako Mesiya ikwisa, Umwene isakubombaga ifindu ifi.”

154 Polelo Umwene alinkunkolela umwene. Polelo Umwene alinkunkolela umwene. “Une yo Umwene, Umwene uyu ikuyoba na nugwe.” Umwene alinkukyagania icyene ukwisila mu Lisyu lya Kyala. Umwene alinkunkolela umwene ukufuma ku mbibi syake, ukubuka ku Bumi. Kangi ingamu yake yili mw’Bingeli, kangi umwene alinabo u Bumi ubusitakufwa umwisyugu.

155 Umwene abagiile ukukukolela ugwe injila yilayila, panongwa yakuti Umwene yo yulayula mmayolo, umwisyugu, na bwilanabwila. Iki. . .

156 Ena, akayilo kake kakindile, loli pope umwene aamenye ukuti Umwene aali nako ukumanya isyamundumbula. Umwene

aamenye ukuti ikyo kyabagisenie ukuya Mesiya. Polelo akabalilo kako Yeso ayobege, “Une ne Umwene, Une yo Umwene,” umwene aamenye ikyo kyaali.

<sup>157</sup> Akabalilo kamo abafundigwa bali panja pa bwato, isubilo syosa syakindle. Umbelo, abene basokilepo kisita Yeso, kangi umbelo gwaali itolo—itolo bo ukwene kwaayilile ku nyumba ya Lazaro. Isubilo syosa syakindle. Akabwato akanini akaiyolo kaliswile na misi. Kangi abene balalataga nukukuta, kangi lumo ukwiputa nukukindilila, kangi injasi yikumulika, kangi ubwato bulinkwisula na misi, amayengo ga kiputambepo galinkugwila pasi, ingafi syakonywike, kangi abene bakolanaga yumo ku mnine, bikukuta.

<sup>158</sup> Kangi mu sala yangisi fiyo naloliloli, polelo Yeso alinkwisa ikwenda mulamula. Loli Umwene alinkuboneka bo gu nsyunguulu ku bene. Umwene abonekaga mpelabusinga, bo ki kisyuka, kangi abene balinkukuuta nu lutende.

<sup>159</sup> Ulo lo ulu lukuya lutamio umwisyugu. Yeso ikwisa mu sala yako iya sala ya iyangisi, kangi ugwe kuya nulutende ni Kyene. Ugwe ukamanya Ikyene kyo fiki.

<sup>160</sup> Abene bakaamenye iki Umwene aali. Abene balinkuti, “O, ikyene kyo kisyuka!” Abene bakuutaga.

<sup>161</sup> Kangi polelo Umwene alinkubakolela abene, alinkuti, “Komma ukutila, yo Une.” Mu sala iyangisi fiyo, Yeso alinkwisa palapala, u Butuli bwabo. Iyo yo njila iyi Umwene ikubombela, ukwisa mu sala iyangisi fiyo. Polelo Yeso alinkwisa nukwibonesya Mwene, nukwisa ku bene.

Peteri alinkuyoba, “Linga ikyene yo Ugwe, ngolela une nise pa misi.”

Yeso alinkuti, “Ugwe isa.”

<sup>162</sup> Umwe mumenye fiki, binangu? Lululu ulu Umwene ikwisilaga abo mmasiku ga bumalikisyo aga. Lilino, ikyene kikaya kihesya ukuti ikipanga kisile ukuya mu sala ya ngisi kangi?

<sup>163</sup> Une nguyapakuyoba ikindukimo apa. Ikyene kikaya kimanyisyo mma. Une ngusolola itolo. Ngimba umwe mumenye iki kuboniike? Ikyene kikwisaga ku buyo, lululu ulu, simba amasyu gangu, ukuti ifipaguko fyosa fikufimbilisigwaga ukwingila mu Ecumenical Council. Linga abene batikwingila, abene bakabagila ukuya nu butulo bwa Council. Panongwa iyi, pisakuyapo ukupiika, kangi nayumo abagiile ukubuka ku fipanga ifi, pamo ukubuka ku kipanga kilikyosa; penepapo ugwe ulinakyo ikisimbo ukufuma ku kipanga kyako kyagwimwene, ugwe ukabagila ukugula pamo ukulisya. Ugwe kukiketa ikyene mumo ikyene kyayilile, momumo ikyene kikuyilaga kangi, ikisimbo kya kinyamana. Kangi ikipanga, abene bakukyagania ikyo, abandu abamwambepo.

164 Kangi umwe bandu ba kiPentekosti, mulimosa, mukukyagania ikyene. Umwe mwandile ikwipilika ikyene. Akabalilo kako ifipanga finu, fingi mwa fipanangio fwa kiPentekosti; kangi une ndikufimbilisigwa ukukolela ingamu syinu, loli umwe mumenye lilino lululu ulu abene biku—abene bikwisa mu kyene. Abene babikile ubuketi ukuti abene baali. Kangi akabalilo kako umwe mukubomba ikyo, ngimba umwe mwisakufimbilisigwaga ukubomba fiki? Umwe mwisakufimbilisigwaga ukutaga ukumanyisya kya Libangeli ukwa losyo lwa Mbepo Mwikemo. Umwe mwisakufimbilisigwaga ukutaga ikimanyisyo kyinu ikya li Bangeli.

165 Kangi abakipanga batisakwitikisania ni kyene. AbaKristi abapapigwe—kangi ababwanaloli bisakufwa, ukwanda. Abene basookigwe ni Lisyu. Abene bamenye ikindu iki kikwisa. Ena, nkulumba.

166 Kangi ngimba ikyene kikaya kihesya? Kangi munomuno mu sala iyangisi fiyo iyi, polelo Yeso ikwisapo nukutukolela uswe, ikuti, “Komma ukuya nulutende. Yo Une. Une ngaali ndi na umwe. Une ndi apa ukubonesya i Lisyu Lyangu.” Mumo Umwene aayilile akabalilo kala, momumo Umwene ali lilino. Umwene aayobile Umwene ikubombaga ikyo. O, mwe! U Fundi isile kangi atukoolile uswe.

167 Abandu ababine bingi apa, kisitakwilamwa, ukuti abene bitugesye apa, kangi udokotala ukubulile ugwe lukayapo nalumo—nalumo ulusubilo kwa ugwe. Ugwe ubagile ukuya mu sala yako iyangisi fiyo, loli, kumbukilaga, u Fundi isile kangi akukoliile ugwe.

168 Kangi ilisiku limo, ilisiku limo, u Fundi isakwisaga nukukolela ingamu yiliyosa iyi yisimbigwe pa Buku gwa Bumi ugwa Kang’osi. Linga isyinu sikayamo mula, bikaga iyene mula lilino, kabuno Umwene isakwisaga nukukolela. Bope na babo bala bali mwipumba bisakupilikaga a Masyu Gake nukusoka panja ku Bumi. U Fundi ikwisaga nukukolela kwa ugwe. Kangi akabalilo kako Umwene ikukoolile umwisyugu, amula kangi tendeka ukwitendekesya ku Lisiku lila, lo lufundo lwangu kwa ugwe.

169 Ulufingo lwa ngulilo iyi, Umwene aafingile ukuti Umwene ikuyaga apa. Ifindu ifi Umwene aabombile, Umwene ikubombaga kangi, kangi lilino kangi u Fundi isile kangi ikukukolela ugwe.

170 Unko uswe twinamisye imitu gyitu. Une ndinago amakalatasi mahano na limo apa aga gasyele, loli une—une ngabagile ukumalisya lilino. Unko uswe twinamisye imitu gyitu. Une naafingile ukubalundusya nukwandana, kangi ukwene kukindile amaminiti kalongo na mahano kwilile.

171 Tata Gwakumwanya, O Ntwa, itikisya ikyene kibombigwege kangi. Ifindu fyosa ifii fifyo une njobile, “Yeso isile kangi ikukukolela ugwe.” Ngimba Umwene ikubomba fiki akabalilo kako Umwene ikwisa? Umwene ikukolela. Kangi itikisya ikyene kibonekege kangi, Ntwa. Itikisya u Mbepo Mwikemo Gwako ukwisa pakati pa bandu ikilo iki, u Ntwa Yeso mbubumbigwe bwa—bwa Mbepo. Itikisya Umwene ukwisa ikilo iki nukwisetula Mwene, kangi polelo ukwibonesya Mwene pabwelu. Bo bandu bala, mumo abene balitikile, uswe tukwitikaga, nuswe, Ntwa. Balipo bingi apa, aba bakayamo siku nu lusako ulu. Uswe tukusuma ukuti Ugwe kubapaga ikyene ku bene kangi ikilo iki. Kabuno uswe tukusuma ikyene ku lwimiko lwa Kyala, mu Ngamu ya Yeso. Ameni.

172 Uko ko kotalusya, kalumbu, loli iyolo kindililaga na ikyo. Ikyo kyo kinunu. Kindililaga itolo nkyeni. O, naloliloli kimyemye, aligwesa.

173 Ngimba umwe mukwitika Umwene isile? Umwene isile. Ngimba Umwene akaali ikukolela linga Umwene ikwisa? Lilino linga ugwe kwitikaga itolo. Linga ugwe itolo kwitiga i Lisyu lya Kyala, Kyala ikupaga ikyene.

174 Lilino keta, une ngaya na kabalilo ukukolela ulukindi lwa lwiputo ukufyuka kuno. Une ngubakolelaga abene ikilo iki, panja pala, linga u Ntwa ikwitikisya. U Fundi isile. Umwene isile ukufwanikisya i Lisyu Lyake mu lisiku ilyabumalikisyo. Kangi iki Umwene aali akabalilo kala, Umwene yo yuyo umwisyugu. Iki ububonesyelo pamo ubwilinganie Bwake bwaali akabalilo kala, ubwene bulipo umwisyugu, panongwa yakuti Umwene akaali yo Lisyi lya Kyala. Ngimba umwe mukwitika ikyo? [Ikilundilo kikuyoba, “Ameni.”—Nsimbi.] Kangi i Lisyu lya Kyala lya Mpilikisi gwa minogono, ifundo sya ndumbula. Kangi injila iyi Umwene aabombile akabalilo kala, yo njila iyi Umwene akabalilo kosa abombile. Umwene akaali yulayula. Linga Umwene abagiile ukubomba ikyo itolo lilino, ngimba umwe mubagiile ukummwitika Umwene? Ngimba ikyene kibagiile ukutendeka umwe ukwitika Umwene?

175 Umwe bandu panja pala lilino, unko une ngeta ikyakwanda nukuketa linga alipo yumo aligwesa uyu une nummenye, itugesye paliposa nkati muno, uyu une nummenye.

176 Bosa aba balipo, mmwanya nkati *muno*, aba bakammanya une, fyusya amaboko ginu; umwe mumenye ukuti une ngamanya nakimo isya umwe, kangi umwe mubinile, fyusya amaboko ginu. Une ngusakikisya, aligwesa. Umma ndaga, lilino, umwe itikaga. Ugwe itolo itikaga ni ndumbula yako yosa. Komma ukwilamwa. Yaga nu lwitiko. Itikaga Kyala.

177 Une nguyaga pakubasuma umwene ukuya naloliloli kimyemye, itugasya. Komma ukwendendeka ukusyungutila lilino, ngusuma mungabombaga. Muketile? Muketile? Ugwe

gwe—moyo, mbili, kangi mbepo. Kangi imbepo yako . . . Kangi u Mbepo Mwikemo yo gwasoni fiyo.

178 Balinga bikukumbukila, ifyinja fingi ifi fikindilepo, ukuti u Mbepo Mwikemo, akabalilo kako une naalisileko kuno nukubabula umwe? Akabalilo kako une ngwega abandu pa kiboko, Umwene aalimbulile une ukuketa-nyinogono uku kukwisaga, nukukindilila? Umwe mukukumbukila ikyene, mukukumbukila kila? Loli Umwene aayobile, “Linga ugwe ubagile ukubatwalila abandu kukwitika ugwe.” Mukukumbukila amasiku gala, ifyinja fingi ifi fikindilepo? [Ikilundilo kikuyoba, “Ameni.”—Nsimbi.] Umwe mukufimbilisigwa ukwitika.

179 Une numbwene u nnyambala, une ngusubila apene paali pasi apa kuno ku lukomano ulungi, itugesye palapala pala. Kangi u Mbepo Mwikemo . . . Une nanketsyaga umwene akabalilo kako une nalumbililaga. Umwene aali mundu undemale. Umwene aali ni ngili mu ngwapa syake. Kangi akabalilo kako itolo une nalyandile ukutendeka ukukoolela, Setano alinkwisa ku nnyambala yula, unyungulu untitu. Kangi une naaketile ikyene na maso gangu nimwene. Umwene alinkusumuka nu kusooka panja. Umwene ikuyaga ndemale bwila, muketile. Kangi polelo, umwene, kuko umwene angali abumbulusigwe palapala pala linga umwene itolo—itolo . . . Muketile? Loli, itolo, une ngamanya fiki. Une ngusakikisya umwene itolo aapilikile undugu. Loli linga ugwe kwimaga nukuketesya imisyungulu gila, ukuketa ifindu ifibumbe fila, mumo ifyene fiyilile, nukuketesya abene mumo abene bikubombela. Muketile, ikyene angali kikuya . . .

180 Lilino, une ngabagila ukubumbulusya. Umundu uyu ikukubula ugwe ukuti umwene abagile ukukubumbulusya ugwe, umwene yo nsobi. Ugwe ubumbulusigwe iyolo. Loli, ukwene ko kubwagania bwa Buyepo bwa Yeso Kristi. Lilino linga Marita aamenye ukuti linga umwene abagiile ukwagana nu Mwene kangi, ukuti umwene ayaga pakuya ni kinyonyo kyake, panongwa yakuti Umwene aali yo Lisyu ilibonekele pabwelu, ngimba uswe tukabagila ukwitika lulalula ikilo iki, ukukytika ikyene? Naloliloli, uswe tukufimbilisigwa. Umwene isile. Umwene isile, Umwene isile mbubumbe bwa Mbepo Mwikemo. Uyo yo Yuyo Umwene aali. Lilino ugwe itolo iputa.

181 Keta, pamwanya apa, linga une naali nagwe umunduyumo imile apa, papapa apa kifuki nanine, itolo—itolo ikwiputa; umwe muketile, abandu bingi fiyo bikwiputa, ikyene kili paliposa mu nyumba. Ugwe itolo kufimbilisigwa ukuketesya ikyene. Ugwe ukabagila ukuyoba, “Yoba, Nkundwe Branham . . .” Umma, nkulumba. Une—une ngabagila ukubomba ikyene, kisitaka kukinda muno ugwe ubagile ukungogwa une mu njosi. Muketile? Ugwe ubagile ukugogwa injosi. Ugwe, Kyala abagile ukukupela ugwe ukugogwa injosi ya une, ugwe kwitika ikyo, loli ugwe ukabagila ukubomba ikyene gwimwene. Ugwe ukabagile

ukuyoba, ukuti, “Nkundwe Branham, une nguya pakugogwa injosi ya ugwe lilino.” Umma, ugwe ukabagila ukubomba ikyo. Kangi nine ngabagila ukuketa imboniboni. Aligwesa uyu ikukupa injosi kwa ugwe, uyo yo yuyo ikufimbilisigwa ukubomba ikyene. Injila yilayila ukwisila mu mboniboni.

<sup>182</sup> Une nguketa unnyambala itugesye papapa apa kubumalikisyo bwa lubambiko, ni mbungo ya fifupa. Linga umwene isakwitikaga ni ndumbula yake yosa, Kyala isakumbumbulusyaga umwene ukufuma ku mbungo ya fifupa. Ngimba ugwe kwitika Umwene ikubombaga ikyene, nkulumba? Itugesye panja pala, unnyambala gwa kiMexico, itugesye kubumalikisyo kwa lubambiko, ngimba kwitikaga ikyene? Umma ndaga, nkulumba.

<sup>183</sup> Unkikulu itugesye kifuki na ugwe, yope ali ni mbungo ya fifupa, yope. Ngimba ugwe kwitika Kyala ikukubumbulisyaga ugwe, nkikulu? (Ngimba *iki* kilinako ukugomokela kwa masyu ku kyene? Une nsumumenia abandu batikukupilika ikyene.) Ugwe kwitikaga? Umma ndaga.

<sup>184</sup> Bule uyungi unkikulu unnini ugwa kiMexico itugesye kifuki nu mwene? Umwene ikukubilwa nu lutamio lwa muunda. Ngimba ugwe kwitika Kyala ikubumbulusyaga ulutamio lwamundu lwako?

<sup>185</sup> Umwene akabile ikyene. Akabalilo kako une nguketa u Bwelu bula bukusulukila pasi, ikyo kikusanusya ikyene kibonike. Ena. Ikyo kyo kyene. Ubwene bummulike umwene. Palapala Ubwene bwaali, ukusyungutila palapala pala... [Ubuyo busitakandu pa tepi—Nsimbi.]...ikyo kikubomba ikyene. Muketile? Akabalilo kako Umwene abagiile ukulwaga ulwitiko! Muketile, “Ifindu fingi Umwene alinkusita kubomba panongwa ya kusitakwitika.”

<sup>186</sup> Apa alipo unkikulu itugesye apa ikwiputa, papapa apa. Umwene ali nu lutende. Umwene abagisenie ukuya. Umwene ali na kayilo ka kansa, naloliloli kibibi. Une ngakumanya ugwe, loli Kyala akumenye ugwe. Ngimba kwitika ukuti Kyala abagiile ukumbula une isya kansa uyu, pamo ikindukimo ni kingi? Keta kwa une. Balipo bingi pala bikwiputa, ugwe uketile, yo nongwa iyi une nguyoba. Keta kwa uswe. Lilino, ena, ugwe ukaya gwa kuno mma, aka kaka kaya kako mma. Ugwe ufumile ku buyo ubu bukukoleligwa Porterville, California. Uko ko kutalusya. Ngimba ugwe kwitika Kyala abagiile ukumbula une ugwe ywani? Umwene amenye. Ingamu yako yo Nka. Wintham. Uko ko kutalusya. Lilino itika, kangi kansa isakukulekaga ugwe. “Linga ugwe ubagiile ukwitika.” Ikyo kyo kyosa iki Kyala ikusuma ugwe ukubomba. “Linga ugwe ubagiile ukwitika.”

<sup>187</sup> Ngimba ugwe utikwitika ikyo ni ndumbula yako yosa? Umunduyumo nkiyabo iki nkati *munu*, ngimba ukabagila ukwitika? U Fundi isile kangi akukoolile ugwe. Umwene

ikukukolela ugwe ukufuma ku bafwe ukubuka ku Bumi, ukufuma ku bubine ukubuka ku bukafu.

<sup>188</sup> Apa alipo unnyambala itugesye palapala kunyuma apa, untu pasi, ikwiputa. Umwene naloliloli atikwiyiputula mwene mma, umwene ikwiputula umunduyumo uyungi. Akene ko ka—ka lingwana. Akene ko kanalindwana kake. Ngimba ugwe kwitika nkulumba? Ugwe uli nu lutamio na malundi gako. Ugwe uli nu lutamio ni kifundo kyako. Uko ko kutalusya. Kukayapo ukulondigwa ukukuuta, ikyo yo Mwene apo kifuki na nugwe. U mwanundindwana gwako ali nkipatala, bule? Mbine gwa TB. Ugwe kwitika. Ngimba ugwe kwitika? U Fundi isile kangi ikunkolela umwene. Ngimba ugwe kwitikaga, ukuya gwise gwake? Kwitikaga? Umwene alinjatilaga umwene ikilo iki, na ugwe. Ikyene kilimalikaga.

<sup>189</sup> Apa alipo undumiana unnini, undumiana gwakisyo kya bulauni unnini. Umwene ikukubilwa ni mbungo ya kipapa, kangi imbungo ya kutuyanika, akalumiana kanini ka kiMexico, undumiana gwa kiMexico itugesye apa. Umwene akaya gwakufumila kuno mma. Umwene afumile ku San Jose. Ngimba kwitika ugwe, mwanangu? Ikindu ikingi, uguso ali apa na ugwe. Umwene yo ndumbilili. Uko ko kutalusya. Ngimba kwitika Kyala abagile ukumbula une ukuti ingamu yako yogw'ani? Ngimba ikyene kikukupela ukwitika na maka fiyo? Ingamu yako yugwe Reuben. Lilino itika. Am-hm. Kyala ikukupelaga ugwe uyege mpelelesye.

<sup>190</sup> U Fundi isile kangi Umwene ikukukolela ugwe. O, ntulwanongwa, o, mundu mbine, ngimba ugwe utikumbona u Fundi ikwibonesya mu bandu ba bundu, pakati pa bitiki? Umwene isile ikubakooolela abana Bake abitiki ku bukafu. Umwene isile ukunkooolela untulunongwa ku bupinduke. Ngomokelanyuma, gwakipanga, u Fundi isile kangi ikukooolela ugwe.

<sup>191</sup> Ngimba ugwe kwitika ikyene? Ngimba ugwe kwitika ikyene panongwa ya kyakulondigwa kyako lilino? Linga ugwe kwitika, fyusya ikiboko kyako, utigi, “Une ngwitika panongwa ya kyakulondigwa kyangu.” Polelo fyuka pa malundi gako lilino nukukuyitikisya ikyene. U Fundi isile kangi ikukooolela ugwe. Kangi kali yuwe ywani, kali kyakulondigwanki iki ugwe ulinakyo, u Fundi isile kangi Umwene ikukukooolela ugwe. Umwene yo yulayula umwisyugu mmayolo, umwisyugu, kangi bwilanabwila.

<sup>192</sup> Unkikulu unnini yula aabukile nkaya, kangi aatile, “Isaga, nketa u Nnyambala Uyu aambulile une iki kyaali kisobi.” Ugwe ukabukile nkaya mma. Ugwe gwisile kangi ukibwene ikyene, gwimwene, polelo u Fundi isile nukukooolela ugwe.

<sup>193</sup> Fyusya ifiboko fyinu nukuntufya Umwene, nukuyoba, “Ntwa Yeso, une ne ntulanongwa; unswege une. Une ne

ngomokelanyuma; ngomokesyaga une, Ntwa. Une ngulondigwa Mbepo Mwikemo; nyisusya une. Une ndi mbine; mbumbulusya une. Une ndemele; mbelaga une ukuya kanunu.” U Fundi isile nukukukooolela ugwe. Fyusya amaboko ginu lilino nukumpa Umwene ulutufyo. Amen.

<sup>194</sup> (Tupapo uswe utusambo apa, “Une ngutufyaga Umwene, Une ngutufyaga Umwene.” Umwe mumenye? *Une Ngutufyaga Umwene*. Umwe mumenye iyo, bule?)

Ngimba umwe mukwitika?

Une ngutufyaga Umwene, Une ngutufya  
Umwene,  
O, ntufye Kang’osi nongwa ya bonangi  
aabutigwe;  
Mpe Umwene ulwimiko, mwe bandu bosa,  
Kabuno i Lilopa Lyake lisukile ikibabye  
kilikyosa.

<sup>195</sup> Ngimba umwe munganile Umwene? Lilino ngimba umwe mukigana ukwimba kwa Mwene akabalilo kako Umwene ali apa? Umwene yo Mbepo ikwenda ukusyungutila ukukinda mu nyumba. Umwene amenye indumbula syitu, amenye syosa isya ugwe. Unko uswe twimbe ulwene ku Mwene, ni ndumbula yitu yosa.

Une nguntufyaga Umwene (fyusya amaboko  
ginu akabalilo kako umwene mukobomba  
ulwene), Une... (lilino ntufya itolo  
Umwene)... ntufyaga Umwene,  
O, ntufye Kang’osi nongwa ya bonangi  
aabutigwe;  
O, mpe Umwene ulwimiko, mwesa umwe  
bandu,  
Kabuno i Lilopa Lyake lisukile ikibabye  
kilikyosa.

<sup>196</sup> O, nkikulu, ugwe nkikota kya magudumu, linga ugwe kwitikaga itolo ukongelelapo panandi papapo apo. “Une...” Unko uswe tugele ulwene kamokene ukongelela. Une ngugulila pa kindukimo.

Une nguntufyaga Umwene, Une ngutufyaga  
Umwene,  
O, ntufye Kang’osi nongwa ya bonangi  
aabutigwe;  
Mpe Umwene ulwimiko, mwesa mwe bandu,  
Kabuno i Lilopa Lyake lisukile ikibabye  
kilikyosa.

<sup>197</sup> Lilino akabalilo kosa aka uswe tukwimba ulo kangi, syumbutuka ukusyungutila, kolaga ikiboko kya munduyumo, akabalilo kosa aka uswe tukwimba ulwene, imba, “Une nguntufyaga Umwene.” Nduko, twesa palikimo lilino.



Une nguntufyaga Umwene, Une nguntufyaga  
Umwene,  
Ntufye Kang'osi nongwa ya bonangi  
aabutigwe;  
Mpe Umwene ulwimiko, mwesa mwe bandu,  
Kabuno i Lilopa Lyake lisukile ikibabye  
kilikyosa.

<sup>198</sup> O, monangi mwinangu, ngimba utikwendaga ukufyuka kuno lilino? Isaga kuno nukumpa Umwene ulutufyo, mwesa mwe bandu umwe. Mwesa umwe bandu mwe mukulonda ukumfumusya Umwene ukuya Mpoki. Mu Buyepo Bwake, akabalilo kosa aka abelu bikwiputula mwa Mbepo, ngimba ugwe utikwisaga kuno nukwima? Utigi, "Une ngulonda ukubika ubuketi, ikilo iki. Une ngulonda ukumpa Umwene ulutufyo. Une ngulonda ukwisa. Une ngaya ni soni nu Mwene mma. Une ngulonda ikisu kimanye ukuti une ngumwitikisya Umwene ukuya Mpoki gwangu, papapa apa akabalilo kako Umwene alipo." Isaga akabalilo kako uswe tukwimba ulwene.

Une nguntufyaga Umwene (ngimba  
utikwisaga ugwe?) Une nguntufyaga  
Umwene,  
O, ntufye Kang'osi nongwa ya bonangi  
aabutigwe;  
O, mpe Umwene ulwimiko, mwe bandu mwesa,  
Kabuno i Lilopa Lyake lisukile ikibabye  
kilikyosa.

<sup>199</sup> O, ikyo kyo ikylene, nkikulu, isaga itolo kuno. Uyungi yo ywani ikwisaga, mu Kuyapo kwa Kristi? Isaga kunokuno ukufyuka kuno, kalumbu, ima apa.

<sup>200</sup> Umundu uyungi yumo uyu ikulonda Umwene ukuya Mpoki gwake, lululu ulu, uyu akaya ni soni mma. Umwene aatile, "Linga ugwe uli ni soni na Une pankyeni pa mundu, Une ngwisakuyaga ni soni na ugwe pankyene pa Tata Gwangu na Bandumi abikemo." Linga ugwe ukaya ni soni nu Mwene lilino, kangi ugwe kulonda Umwene ukuya Mpoki gwako, akabalilo kako Umwene ali apa! Ugwe umbwene Umwene. Ikyene kyo kipelelesye fiyo, Lisyu Mwene ukukupela Ikyene kifumusegwe. Isaga kuno akabalilo kako abikemo bikwiputula lilino. Ngimba ugwe utikwisaga kuno?

<sup>201</sup> Kyala akusaye ugwe, nkulumba. Apa ikwisa unkikulu unkangale, isila ku bukusi bwabwanaloliloli. Ngimba ugwe utikwisaga lilino?

Une ngu...(imbaga ulwene lilino)...Une  
nguntufyaga...

<sup>202</sup> Uko ko kotalusya, abandu abatubwa, isaga itolo ukusyungutila. Tufyaga itolo. Kyala akusaya ugwe, nkikulu,

iyo yo njila iya kubombela ikyene. Kyala abasaye umwe, mwe batubwa.

. . . bonangi aabutigwe;  
Mpe Umwene ulwimiko, mwe bandu mwesa,  
Kabuno i Lilopa Lyake lisukile ikibabye  
kilikyosa.

<sup>203</sup> Akabalilo kako abalumbilili bikubuka ku bandu aba lilino ngimba umunduyumo uyu atikwisaga? Ngomokelanyuma, ngimba kwisaga ugwe, utigi, “Une ndini soni nu bumi bwangu?” Apa Umwene alipo. Umwe mukwitika une ukuya gwambombo gwa Kyala? Fyusya amaboko ginu. Fiki, Yeso Kristi ali pakati pa uswe. Ngimba ugwe utikwisaga?

Mpe Umwene ulwimiko. . . (Ngimba ugwe utikwisaga, mpe Umwene ulwimiko?) . . .  
bandu,  
Kabuno i Lilopa Lyake lisukile. . .

<sup>204</sup> Marita, ngimba ugwe kwisa, pamo ugwe kwitugasyaga mu nyumba na Maria? Ngimba ugwe kusyalaga nkibugutila kimo, nukuti, “O, ikipanga kyangu kitikwika Ikyene injila iyi,” akabalilo kako Kristi ikuboneseligwa? Ngimba ugwe kwitugasyaga nukwigemekesya kunyuma nukuyoba ikyo, pamo ugwe kwisaga? “Ena, une ngukubulaga ugwe, akabalilo kako une. . .” Umma. Umwisyugu, iyi yo sala. Ubufwe bukwelela ukusyungutila ugwe, bo yu mwanandindwana gwa Yairo.

<sup>205</sup> Isaga lilino! Ngomokelanyuma, isaga lilino. Ntulanongwa, isaga lilino. Aka ko kabalilo. U Fundi isile kangi Umwene ikukukoolela ugwe. Umwene ikukukoolela ugwe. Ugwe kuyoba, “Ngimba une ngumanyaga bulebule?” Umwene ikubombela amasyu gangu. Linga Umwene ikubombela amasyu gangu ukukindanisa ububine, ingubilwe ni findu, ngimba ugwe ukamanya Umwene kangi ikukoolela panongwa ya butulwanongwa bope? Sookaga panja! Isaga lilino, aka lumo kabagiile ukuya lusako lwabumalikisyo ulu ugwe gwisakuyaga nalo siku.

<sup>206</sup> Kamokene kene, balipo bingipo nkati muno aba babagisenie ukwisa, binangu. Une ndikulonda ukukukosya isoni ugwe, ukukukoolela ugwe bo ulu. Uko ko kukaya kutalusya mma. Linga ugwe utubalilo tumo lumo. . . Bala aba Farisai binogonaga ukuti abene baapokigwe, loli abene bakaali mma. Ugwe kwinozona ikindu kilakila. Isaga lilino.

<sup>207</sup> Yaga nsisimikisye! Komma, komma ukwega itolo ulusako lwa njila ya sinda pa ikyene. Linga kulipo ukwilamwa mminogono gako, komma ukwega nulusako nalumo. Isaga kuno lilino. Aka ko kabalilo, lilino akabalilo kako i Nyibuko yigwike, akabalilo kako u Mbepo Mwikemo ali apa. U Fundi isile. Ukwilamwa ukunini kula, ko uku Umwene ikugela ukukubula ugwe, “Ugwe kwilamwa.” Twalaga ukwene. Isaga kuno, lilino.


U Fundi isile kangi ikukukoolela ugwe. Uko ko kotalusya, kindililaga itolo ukwisa, kindililaga itolo ukwisa.

Une nguntufyaga Umwene, Une nguntufyaga  
Umwene, (Ngimba utikwisaga ugwe ukumpa  
Umwene ulutufyo?)

Ntufye Kang'osi nongwa ya bonangi abutigwe;  
Mpe Umwene ulwimiko, mwe bandu mwesa,  
Kabuno i Lilopa Lyake lisukile ikibabye  
kilikyosa.

<sup>208</sup> Lilino akabalilo kako abatulwanongwa bakwisa, ukumfumusya Umwene; bitikisya abandu ukumpa Umwene ulutufyo, bo uswe tukwimba ulwene lilino. Mmwanya na maboko ginu, imba ukuntufya Umwene, lilino, mwesa palikimo.

Une nguntufyaga Umwene, Une nguntufyaga  
Umwene,  
Ntufye Kang'osi nongwa ya bonangi  
aabutigwe!

<sup>209</sup> Mpe itolo Umwene ulutufyo! Umwe bandu ukusyungutila apa, iputa, nsuma Umwene ukukuhobokela ugwe. Ikyo kyo iki Umwene isakubombaga. U Fundi isile kangi ikukukoolela ugwe. Kyala abasaye umwe. 

*POLELO YESO ALINKWISA KANGI ALINKUKOOLELA* KYA64-0213

(Then Jesus Came And Called)

Ubulumbilili ubu butwaligwe nu Nkundwe William Marrion Branham, ubu pakwanda bwatwaligwe nki Ngereza pa Kina kunamayolo, Februari 13, 1964, ku Elliott Auditorium mu Tulare, California, U.S.A., bwegigwe pa busimbe bwa tepi ya magneto kangi busimbigwe kisitakutumula mu ki Ngereza. Ukusimba ukwa mu Kyangonde ubu bwasanusigwe nu kuyabanisigwa na ba Voice of God Recordings.

KYANGONDE

©2022 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

[www.branham.org](http://www.branham.org)

## Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)